

გაზეთი ბეჭედი „ვერსია“ ერთი

ვერსია



№11 (1701) 1 – 7 მაისი ოთხშაბათი 2024 წელი

1 ლარი

ყოველკვირეული საზოგადოებრივ-პოლიტიკური გაზეთი www.versia.ge



125
დასვის პოლიცია
SECURITY POLICE

რა უთხრა ბიძინა ივანიშვილმა საყოველთაო-სახალხო შეკრების მონაწილეებს



„ქართული ოცნების“ საპატიო თავმჯდომარის გამოსვლის სრული ტექსტი



პოლიციამ თბილისსა და რეგიონებში უკანონო ცეცხლსასროლი იარაღები და საბრძოლო მასალა ამოიღო – დააკავებულება ექვსი პირი



შინაგან საქმეთა სამინისტროს ცენტრალური კრიმინალური პოლიციის დეპარტამენტის, თბილისის პოლიციის დეპარტამენტის, სამეგრელო-ზემო სვანეთის, იმერეთისა და გურიის პოლიციის დეპარტამენტების თანამშრომლებმა, ბოლო პერიოდში ჩატარებული ოპერატიული ღონისძიებებისა და საგამოძიებო მოქმედებების შედეგად, თბილისსა და რეგიონებში უკანონო ცეცხლსასროლი იარაღები და საბრძოლო მასალა ამოიღეს – დააკავებულება ექვსი პირი, ერთი კი მხილებულია. დანაშაული 7 წლამდე ვადით თავისუფლების აღკვეთას ითვალისწინებს.

ცენტრალური კრიმინალური პოლიციის დეპარტამენტის თანამშრომლებმა, ოპერატიული ღონისძიებებისა და საგამოძიებო მოქმედებების შედეგად, წარსულში ნასამართლევნი, 1984 წელს დაბადებული გ.ნ. დააკავეს.

სამართალდამცველებმა, ბრალდებულის პირადი და საცხოვრებელი სახლის ჩხრეკის შედეგად, ნივთმტკიცებად სანადირო თოფი, ხელყუმბარა, ამფეთქი ფალია და ნარკოტიკული საშუალება „მარიხუანა“ ამოიღეს.

თბილისის პოლიციის დეპარტამენტის დეტექტივების მთავარი სამმართველოსა და საგამოძიებო მთავარი სამმართველოს თანამშრომლებმა, ჩატარებული ოპერატიული ღონისძიებებისა და საგამოძიებო მოქმედებების შედეგად, 1981 წელს დაბადებული ა.პ. დააკავეს.

სამართალდამცველების მიერ ჩატარებული ჩხრეკის შედეგად, ნივთმტკიცებად ამოღებულია ცეცხლსასროლი იარაღი, ხმის ჩამხშობი მაყუჩი და 35 ვაზნა.

გურიის პოლიციის დეპარტამენტის ოზურგეთისა და ჩოხატაურის რაიონული სამმართველოების თანამშრომლებმა, სხვადასხვა დროს ჩატარებული საგამოძიებო მოქმედებების შედეგად, ორი პირი დააკავეს.

სამართალდამცველებმა, 1990 წელს დაბადებული, წარსულში ნასამართლევნი ნ.კ.-ს პირადი ჩხრეკისას, პისტოლეტი, მჭიდი და 7 ვაზნა ამოიღეს.

ხოლო, 1964 წელს დაბადებული, წარსულში მრავალჯერ ნასამართლევნი და ასევე ოჯახის წევრის მიმართ მუქარის ბრალდებით დაკავებული ი.ო.-სგან, ნივთმტკიცების სახით ამოღებულია ავტომატური ცეცხლსასროლი იარაღი და ვაზნა.

სამეგრელო-ზემო სვანეთის პოლიციის დეპარტამენტის ფოთის საქალაქო და ჩხორონყუს რაიონული სამმართველოების თანამშრომლებმა, სხვადასხვა დროს ჩატარებული ოპერატიული ღონისძიებებისა და საგამოძიებო მოქმედებების შედეგად, 1981 წელს დაბადებული ზ.ს. დააკავეს, ხოლო 1971 წელს დაბადებული პირი ამხილეს.

სამართალდამცველების მიერ ჩატარებული ჩხრეკის შედეგად ნივთმტკიცებად ამოღებულია: 2 პისტოლეტი, მჭიდი და 2 ვაზნა.

იმერეთის პოლიციის დეპარტამენტის თანამშრომლებმა, ჩატარებული ოპერატიული ღონისძიებებისა და საგამოძიებო მოქმედებების შედეგად, 1992 წელს დაბადებული ლ.გ. დააკავეს.

სამართალდამცველებმა ბრალდებულის საცხოვრებელი სახლის ჩხრეკისას რევოლვერი და 4 ვაზნა ნივთმტკიცებად ამოიღეს.

გამოძიება საქართველოს სისხლის სამართლის კოდექსის 236-ე და 11 პრიმა 151-ე და 273-ე (პრიმა) მუხლებით მიმდინარეობს.



შინაგან საქმეთა სამინისტრომ ჭადრაკში შიდა ტურნირი ჩაატარა



შინაგან საქმეთა სამინისტროს ადმინისტრაციულ შენობაში ჭადრაკის შიდა ტურნირი ჩატარდა.

ჩემპიონატი ჭადრაკის საერთაშორისო ფედერაციის – FIDE-ს წესებით, შვეიცარიული სისტემით, 9 ტურად წარიმართა.

ტურნირში I ადგილი დაიკავა შინაგან საქმეთა სამინისტროს სასაზღვრო პოლიციის თანამშრომელმა ზურაბ თურქაძემ.

II ადგილზე გავიდა თბილისის პოლიციის დეპარტამენტის თანამშრომელი ნონა დათუაშვილი, ხოლო III ადგილი დაიკავა შინაგან საქმეთა სამინისტროს ცენტრალური კრიმინალური პოლიციის დეპარტამენტის თანამშრომელმა თორნიკე გაბუნიაძემ.

ტურნირში საპრიზო ადგილებზე გასულ მონაწილეებს, სხვადასხვა სამახსოვრო საჩუქართან ერთად, ფულადი ჯილდოც გადაეცათ.

შიდა ტურნირი მიზნად ისახავს სამინისტროს სისტემაში ჭადრაკის, როგორც სპორტის სახეობის პოპულარიზაციას.

შინაგან საქმეთა სამინისტრომ ნარკოდანაშაულისთვის 18 პირი დააკავა, მათგან რვა ნარკორეალიზატორია



შინაგან საქმეთა სამინისტროს ცენტრალური კრიმინალური პოლიციის დეპარტამენტის, თბილისის პოლიციის დეპარტამენტის, სამეგრელო-ზემო სვანეთის, იმერეთის, აჭარის, ქვემო ქართლისა და გურიის პოლიციის დეპარტამენტების თანამშრომლებმა, ბოლო პერიოდში ჩატარებული ოპერატიული ღონისძიებებისა და საგამოძიებო მოქმედებების შედეგად, თბილისსა და რეგიონებში ნარკოდანაშაულისთვის 18 პირი დააკავეს, მათ შორის რვა ნარკორეალიზატორია.

დაკავებულებს შორის არიან, როგორც საქართველოს, ასევე, უცხო ქვეყნის მოქალაქეები.

ნარკოტიკული საშუალებების უკანონო გასაღებისა და გასაღების მცდელობის ბრალდებით დაკავებულები არიან: 1987 წელს დაბადებული ა.ო., 1990 წელს დაბადებული ნ.ჩ., 2001 წელს დაბადებული ლ.ს., 2002 წელს დაბადებული გ.მ., 2001 წელს დაბადებული ქ.ყ., 1989 წელს დაბადებული მ.ა., 1982 წელს დაბადებული მ.ე., და 1996 წელს დაბადებული რ.ო.

დიდი და განსაკუთრებით დიდი ოდენობით ნარკოტიკული საშუალებების უკანონოდ შექმნა-შენახვის, საქართველოში უკანონოდ შემოტანის, „მარიხუანას“ უკანონოდ შექმნა-შენახვისა და ნარკოტიკული საშუალებების შემცველი მცენარის უკანონოდ დათესვა-მოყვანისა და კულტივირების ფაქტებზე დაკავებულები არიან: 1992 წელს დაბადებული მ.მ., 1967 წელს დაბადებული ა.მ., 1992 წელს დაბადებული გ.გ., 1991 წელს დაბადებული მ.ჭ., 2002 წელს დაბადებული დ.ა., 1996 წელს დაბადებული ბ.ხ., 1999 წელს დაბადებული ნ.დ., 1993 წელს დაბადებული ა.ო., 1971 წელს დაბადებული ა.ა. და 1999 წელს დაბადებული თ.ხ.

დანაშაულები 20 წლამდე ან უვადო თავისუფლების აღკვეთას ითვალისწინებს.

სამართალდამცველებმა, ნარკოტიკების უკანონო გასაღების ბრალდებით დაკავებული პირებისგან, მოსამართლის განჩინების საფუძველზე, რამდენჯერმე განახორციელეს ნარკოტიკების საკონტროლო შესყიდვა და აღნიშნული შესყიდვების ფარული აუდიო-ვიდეო ჩანერა. პოლიციამ დაკავებულების მიერ უკანონოდ გაყიდული ნარკოტიკული საშუალებები ნივთმტკიცების სახით ამოიღო, ასევე, ამოღებულია, სავარაუდოდ, ნარკოტიკების უკანონო რეალიზაციის შედეგად მიღებული ფული და ელექტროსასწორები.

სამართალდამცველებმა ნარკოდანაშაულის ბრალდებით დაკავებული პირების პირადი და საცხოვრებელი სახლების ჩხრეკისას, ასევე, მათ მიერ მითითებული სხვადასხვა ლოკაციიდან ნივთმტკიცებად ამოიღეს სხვადასხვა სახის განსაკუთრებით დიდი ოდენობით ნარკოტიკული საშუალებები, მათ შორის: „ჰეროინი“, „ალფა პეპ“, „ბუპრენორფინი“, „მდმა“, „მეტადონი“, „სუბოქსინი“, „მარიხუანა“ და ნარკოტიკულ საშუალების შემცველი მცენარე „კანაფი“.

ფაქტებზე გამოძიება საქართველოს სისხლის სამართლის კოდექსის 260-ე, 19-260-ე, 262-ე, 265 და 273 პრიმა მუხლებით მიმდინარეობს.



რა უთხრა ბიძინა ივანიშვილმა საყოველთაო-სახალხო შეკრების მონაწილეებს

„მოგესალმებით, ძვირფასო მეგობრებო! მივესალმები ჩვენი თავისუფლებისმოყვარე ერის ღირსეულ შვილებს!

ყველას მინდა მოგილოცოთ ბზობა და წინასწარ მოგილოცოთ აღდგომის ბრწყინვალე დღესასწაული!

საქართველომ 33 წლის წინ აღიდგინა სახელმწიფოებრივი დამოუკიდებლობა, თუმცა ეროვნული მოძრაობის ერთ-ერთი ლიდერი, მერაბ კოსტავა გვაფრთხილებდა: **„დაიმახსოვრეთ, თქვენ მოესწრებით იმ დროს, როცა საქართველო თავისუფალი გახდება! მაგრამ იცოდეთ, თუ მაშინაც, დამოუკიდებელ ქვეყანაში, თავისუფლებისთვის შეწყვეტთ ბრძოლას, ამ თავისუფლებას დაკარგავთ თქვენც და ქვეყანაც“**. მერაბ კოსტავას ეს შეგონება თითოეულ ფეხის ნაბიჯზე კარგად უნდა გვახსოვდეს.

საქართველო უნდა მართოს ქართველი ხალხის მიერ არჩეულმა ხელისუფლებამ!

2004-2012 წლებში, ჩვენ გამოვიარეთ უმძიმესი წლები, როდესაც ქვეყანას არა ხალხის მიერ არჩეული ხელისუფლება, არამედ გარედან დანიშნული რევოლუციური კომიტეტი, უცხოური აგენტურა მართავდა. შეგახსენებთ, რომ ეს ადამიანები - სააკაშვილი, ბოკერია, მერაბიშვილი, ადეიშვილი, გვარამია, კეზერაშვილი და სხვები - საქართველოს ხელისუფლების ლიდერებად „ენჯელების“ ხელით მონყობილი რევოლუციის შემდეგ დაინიშნენ.

არადემოკრატიული წესით, გარედან დანიშნული ადამიანების მმართველობამ მკაფიოდ დაგვანახა, თუ რამდენად მძიმეა თავისუფლების, დამოუკიდებლობისა და სუვერენიტეტის დაკარგვის გარდაუვალი შედეგი. სისხლიანმა რეჟიმმა გადაავსო ციხეები, აწამა პატიმრები, შეინარა ასობით უდანაშაულო ადამიანის სიცოცხლე, დააყარა ათასობით ბიზნესმენი, გაა-



„ქართული ოცნების“ საპატიო თავმჯდომარის გამოსვლის სრული ტექსტი

ყალბა არაერთი არჩევნები, მიიტაცა მედია, დაკარგა საქართველოს ტერიტორიების 20 პროცენტი.

ბევრს ჰგონია, რომ ამ დანაშაულების მთავარი მიზეზი სააკაშვილისა და მისი თანამზრახველების

არაჰუმანური, სადისტური და არაპატრიოტული ბუნება იყო. თუმცა, სინამდვილეში, ყველაფერი, რასაც ისინი აკეთებდნენ, გარედან, მათი პატრონებისგან იყო დაკვეთილი და მართული. სწორედ ამიტომ იყო, რომ რეჟიმს ჰქონდა მწვანე შუქი ყოველგვარ უმსგავსოებაზე იმ უცხოელი პოლიტიკოსებისგან, რომლებიც დღეს სააკაშვილს, გვარამიასა და კეზერაშვილს უმანკო კრავებად გვიცხადებენ და არსებული ხელისუფლების დასჯას ითხოვენ. ამ უცხოელებს დღეს ამოძრავებთ სურვილი, საქართველოში იგივე ადამიანების არაჰუმანური და სადისტური დიქტატურა დაგვიბრუნონ, რასაც არაფრის ფასად არ დავუშვებთ. როდესაც მწვანე შუქზე ვსაუბრობთ, ისიც უნდა გავიხსენოთ, რომ რეჟიმის სადიზმი „ენჯელებისგანაც“ სრული მხარდაჭერით სარგებლობდა.

მინდა გავიხსენო ინდოელი ლიდერის, ჯავაჰარლალ ნერუს სიტყვები, მცირე ადაპტირებით: **„არ არსებობს საკუთარი ქვეყნის იმაზე დიდი მტერი, ვიდრე უცხო ქვეყნის მიერ აღზრდილი ფსევდო-ელიტა“**. უცხო ქვეყნის მიერ აღზრდილ ფსევდო-ელიტას რამდენიმე მთავარი თვისება გამოარჩევს. ის არის უსამშობლო, არ უყვარს არც საკუთარი ქვეყანა და არც საკუთარი ხალხი, რადგან მას სინამდვილეში საკუთრად არ მიიჩნევს. პირიქით, ასეთ ადამიანებს საკუთარი ქვეყანაც და ხალხიც ეთაკილებათ. ასეთი ადამიანი არის აკაკისეული ღამურა, რომელიც, საბოლოოდ, ვერც უცხოელდება და ქართველობასაც კარგავს. ასეთი ადამიანები იოლად ექვემდებარებიან გარედან მართვას, რადგან ისინი ყოველგვარი პრინციპებისგან არიან დაცლილნი. სწორედ ასეთია დღევანდელი რადიკალური ოპოზიციის სახე და ასეთი იყო ამ ადამიანების სახე ხელისუფლებაში ყოფნის პერიოდშიც.

როდესაც 2012 წელს, გარედან დანიშნული უსამშობლო პოლიტიკოსების სისხლიანი რეჟიმი გავისტუმრეთ, ვფიქრობდი, რომ ჩემი მისია სრულად მქონდა შესრულებული. ქართველ ხალხს დავუბრუნეთ საარჩევნო უფლება, ციხიდან გავათავისუფლეთ 15 ათასი პატიმარი, სრულად აღვკვეთეთ პატიმრების წამება და არაადამიანური მოპყრობა, დავასრულეთ ნაციონალუ-

გაგრძელება მე-4 გვერდზე



რა უთხრა ბიძინა ივანიშვილმა საყოველთაო-სახალხო შეკრების მონაწილეებს



მე-3 გვერდიდან

რი მოძრაობის მედია-მონოპოლია, გავათავისუფლეთ ბიზნესი, ქვეყანას მოვუტანეთ გრძელვადიანი მშვიდობა და გაძლიერებული უსაფრთხოება.

კიდევ ერთხელ გავიმეორებ - ვფიქრობდი, რომ 2012 წელს ჩემი მისია სრულად შევასრულე. თუმცა, როგორც გაირკვა, ეს მიღწევები არ აღმოჩნდა საკმარისი. ჩვენ კვლავაც გვინევს ბრძოლა თავისუფლებისა და სუვერენიტეტისთვის, რათა აღვასრულოთ ილია ჭავჭავაძის შეგონება, რომ „ჩვენი თავი ჩვენადვე უნდა გვეყუდნოდეს“. ამიტომ, პრინციპულად და თავდადებით, ამ სიტყვის პირდაპირი მნიშვნელობით, პირადად მე, განვაგრძობ ბრძოლას საქართველოს, ჩვენი სამშობლოს სუვერენიტეტის სრულად აღსადგენად.

2022 წლის დასაწყისიდან დღემდე, საქართველომ გადაიტანა ურთულესი ბრძოლა ომის თავიდან ასაცილებლად და მშვიდობის შესანარჩუნებლად. ბუქარესტის 2008 წლის სამიტის დაპირების მიუხედავად, საქართველო და უკრაინა არ გაანეწვიანეს ნატოში და ორპირ ქარში დააყენეს. ყველა ასეთ გადაწყვეტილებას გლობალური ომის პარტია იღებს, რომელიც ნატოზეც და ევროკავშირზეც გადამწყვეტი გავლენით სარგებლობს და რომლისთვისაც საქართველოსაც და უკრაინასაც მხოლოდ საზარბაზნე ხორცის ფასი აქვს. მათ ჯერ 2008 წელს საქართველო დააპირისპირეს რუსეთთან, ხოლო 2014 და 2022 წლებში - კიდევ უფრო მძიმე მდგომარეობაში უკრაინა ჩააყენეს. საქართველოს მიმართ გლობალური ომის პარტიის აგრესიის მთავარი მიზეზი ისაა, რომ დიდი ძალისხმევის მიუხედავად, საქართველო მეორე ფრონტად ვერ აქცია, რასაც ხელისუფლებაში აგენტურის დაბრუნების პირობებში, ძალიან მარტივად მიაღწევდა.

საზოგადოებაში ხშირად კითხულობენ, მაინც რატომ

იბრძვიან უცხოეთიდან ასეთი გამალებით „ენჯელების“ გამჭვირვალობის წინააღმდეგ? ჩვენი გუნდის წარმომადგენლები ამ შეკითხვას სწორი მიმართულებით პასუხობენ, თუმცა სრული სიმართლის თქმას ისინი მაინც ერიდებიან. სრული სიმართლე კი ისაა, რომ „ენჯელების“ გაუმჭვირვალე დაფინანსება არის მთავარი ინსტრუმენტი, რომლითაც საქართველოს ხელისუფლება გარედან შევიძლია დანიშნო. მიზანია, საქართველო არა ქართველი ხალხის მიერ არჩეული ხელისუფლების, არამედ, გარედან დანიშნული „ღამურების“ - ახალი დროის სერგო ორჯონიკიძეებისა და გიგლა ბერბიჭაშვილების ხელით იმართებოდეს. ამის არდაშვება არის ჩვენი ვალი საქართველოს თავისუფლების იდეას შენარჩუნებული ქართველი მოღვაწეების წინაშე.

„ენჯელების“ დაფინანსება, რომელსაც უცხოეთიდან ხშირად გვამადლიან და დახმარებაში გვითვლიან, სინამდვილეში, თითქმის მთლიანად აგენტურის გამაგრებასა და ხელისუფლებაში მათ მოყვანას ხმარდება. შესაბამისად, ამ თანხებს არავითარი საერთო არა აქვს დახმარებასთან და პირიქით, ერთადერთ მიზნად საქართველოსთვის სახელმწიფო სუვერენიტეტის წართმევას ისახავს.

დღევანდელი საქართველო არ არის არც შევარდნაძის დროინდელი საქართველო და არც იანუკოვიჩის უკრაინა. დღეს საქართველოს მართავს ძლიერი და ერთ მუშტად შეკრული პროფესიონალთა გუნდი, რომელმაც იცის სამშობლოს, დამოუკიდებლობის, სუვერენიტეტის ფასი. შესაბამისად, ურეიტინგო „ნაციონალები-სა“ და „ენჯელების“ ხელით ხელისუფლების შეცვლა დღევანდელ საქართველოში შეუძლებელია. თუმცა, ეს არ ნიშნავს იმას, რომ სიფხიზლე უნდა დაგვარგოთ და საქართველოს სუვერენიტეტისთვის გრძელვადიანი გარანტიის შექმნაზე არ უნდა ვიზრუნოთ. სწორედ სა-

ქართველოს სუვერენიტეტის გამყარებას ემსახურება ქართული კანონი „უცხოური გავლენის გამჭვირვალობის შესახებ“.

შეიძლება დაისვას კითხვა - რატომ გაინვია გუნდმა კანონი შარშან და რატომ ვიღებთ მას წელს. შარშან კანონის განხილვას ორი მთავარი ობიექტური მიზეზი ჰქონდა. პირველი, შარშან შეიძლეს და საზოგადოების დიდი ნაწილი შეცდომაში შეიყვანეს. შესაბამისად, ჩვენი ვალი იყო, თუნდაც მოტყუებული თანამოქალაქეების შფოთვა გაგვეთვალისწინებინა. მეორე, ჩვენ უნდა გავუფრთხილდეთ ჩვენი ქვეყნის პოლიტიკურ მდგრადობას, რასაც კანონის არგანევის შემთხვევაში, შარშან სირთულეები შეიძლებოდა შექმნიოდა.

წელს ვითარება რადიკალურად განსხვავებულია. „ნაციონალებმა“ და მათმა პატრონებმა ხალხი ველარ მოატყუეს და დღეს, საზოგადოების უდიდესი ნაწილი „ენჯელების“ გამჭვირვალობას მყარად უჭერს მხარს. გარდა ამისა, დღეს გვაქვს სრული რესურსი გამჭვირვალობის შესახებ კანონი სახელმწიფოს მდგრადობისთვის ზიანის მიყენების გარეშე მივიღოთ და ქვეყანა წინ წავიყვანოთ. სწორ დროს, სწორი სვლის გაკეთება პოლიტიკის მთავარი ხელოვნებაა. ჩემი პოლიტიკური წარსული მაძლევს იმის მტკიცების საშუალებას, რომ როგორც პოლიტიკურ ლიდერს, ამგვარი სვლების გათვლა კარგად შემიძლია.

ასევე, საზოგადოებაში ისმის ხოლმე კითხვა, ხომ არ სჯობდა, დროებითი სიმშვიდით მაქსიმალურად გვესარგებლა და ლგბტ-პროპაგანდისა და „ენჯელების“ შესახებ კანონპროექტების განხილვის დაწყებით თავი ზედმეტად არ აგვეტკივებინა და თუნდაც, არჩევნების შემდეგ დაგვეწყო მისი განხილვა. ამასთან დაკავშირებით, მკაფიოდ მინდა გითხრა: ნურავის ექნება ილუზია, რომ ამ კანონპროექტების გარეშე, დიდხანს მოგვასვენებდნენ. შეგახსენებთ, თუ როგორი გამალებით ცდილობდნენ მთელი ამ დროის განმავლობაში ცენტრალური საარჩევნო კომისიისა და სასამართლოს შერყევას. სასამართლოში დღემდე ითხოვენ ეგრეთ ნოდებულ ვეტინგს ანუ უცხოური მმართველობის შემოღებას, რომელმაც რეპრესიები უნდა ჩაატაროს და სასამართლო სისტემა აგენტურით უნდა დააკომპლექტოს. მსგავს მიზანს ემსახურებოდა ცენტრალურ საარჩევნო კომისიასთან დაკავშირებული მოთხოვნებიც, რომლებიც საქართველოს პარლამენტმა სამართლიანად არ გაითვალისწინა.

მიუხედავად იმისა, რომ ყველა დამოუკიდებელი საერთაშორისო კვლევის თანახმად, ქართული სასამართლო, სამართლიანობისა და ეფექტიანობის კრიტერიუმებით, ევროკავშირის წევრი არაერთი ქვეყნის სასამართლოსაც კი უსწრებს, მიუხედავად იმისა, რომ ვერ ასახელებენ ვერცერთ საქმეს, რომელიც სასამართლომ პოლიტიკური ხელისუფლების ზენოლით ან ზოგადად, უსამართლოდ გადაწყვიტა, გრძელდება დაჟინებული ზენოლა ხელისუფლებაზე სასამართლოს ხელში ჩასაგდებად, რომელიც იქამდე გაგრძელდება, ვიდრე წარმატების იმედს ბოლომდე არ დაკარგავენ.

როდესაც ისეთ მოთხოვნებს აყენებენ, რომლებზეც წინასწარ იციან, რომ ხელისუფლება მათ არ გაითვალისწინებს, ცხადია, რომ ამ მოთხოვნების ერთადერთი მიზანი ხელისუფლებისთვის ხელოვნური უხერხულობის შექმნაა. ასეთ პირობებში, ცხადია, რომ იგივე ძალები, რომლებიც ორი და ოთხი წლის წინ რევოლუციებს გვინყობდნენ, შემოდგომაზე ჩვენს ქვეყანას აუცილებლად ახალი ძალით შეუტევენ და ხელისუფლებაში აგენტურის დაბრუნებას კიდევ ერთხელ შეეცდებოდნენ. ენერგიას, რომელიც შემოდგომისთვის უნდა დაეგროვებინათ, ახლა ისინი ქუჩაში ნაადრევად ანიავებენ.

ამიტომ, ლგბტ-პროპაგანდისა და „ენჯელების“

დასასრული მე-5 გვერდზე

რა უთხრა ბიძინა ივანიშვილმა საყოველთაო-სახალხო შეკრების მონაწილეებს



მე-4 გვერდიდან

შესახებ კანონების ინიცირებას ორმაგი სარგებელი ჰქონდა: ერთი მხრივ, ამ ორი საკითხის საკანონმდებლო მონესრიგებას ალტერნატივა არა აქვს და მეორე მხრივ, დასაგროვებელი ენერჯის ნაადრევი ხარჯვა ისედაც დასუსტებულ აგენტურას ძალას ბოლომდე გამოაცლის. შესაბამისად, კანონპროექტების ინიცირებისთვის დროც იდეალურად არის შერჩეული. ამ პროცესებით ქვეყანასა და ხელისუფლებას არაფერი დაგვაკლდება, გარდა იმისა, რომ გლობალურ ომის პარტიას კიდევ ერთხელ გავანაწყენებთ, რომელსაც მეორე ფრონტის არგახსნის გამო, ჩვენს მიმართ წყენა ისედაც არ აკლია.

ბევრი ჩვენი თანამოქალაქე განაწყენებულია იმის გამო, რომ 2012 წელს „ნაციონალები“ სათანადოდ არ დავსაჯეთ. რეჟიმის არაერთმა ლიდერმა მრავალწლიანი სასჯელი მოიხადა. გასამართლდა რეჟიმის დანაშაულებრივი დავალებების მრავალი შემსრულებელი. ამჟამად სასჯელს იხდის რეჟიმის მთავარი დამნაშავე, მიხეილ სააკაშვილი. თუმცა, სამწუხაროდ, არ მომხდარა „ნაციონალური მოძრაობის“, როგორც ერთიანი დანაშაულებრივი და მოლაღატებრივი დაჯგუფების გასამართლება.

საქმეში უშუალოდ ჩახედული ადამიანები დამეთანხმებიან, რომ მაშინ „ნაციონალების“ დასჯის არავითარი რესურსი არ გვქონდა, ურესურსოდ ნაბიჯების გადადგმა კი მხოლოდ კონტრპროდუქტიული იქნებოდა. კარგად მახსოვს, 2012-13 წლებში, კბილებით როგორ იცავდნენ სისხლიან დამნაშავეებს დასავლელი უმაღლესი თანამდებობის პირები. „ნაცმოძრაობა“ ზუსტად ისევე დაუნიშნეს საქართველოს გარედან რადიკალურ ოპოზიციად, როგორც მანამდე ხელისუფლებად დაგვინიშნეს. რადიკალიზმი, ე.წ. პოლარიზაცია და პერიოდული პოლიტიკური რყევები, რაც ჩვენს ქვეყანას და

მის ეკონომიკას მთელი ამ წლების მანძილზე საკმაოდ ძვირი დაუჯდა, მთლიანად გარედან იყო ხელოვნურად თავს მოხვეული. რომ არა გარე მხარდაჭერა, საქართველო ევრეთნოდებული პოლარიზაციის ჩაკეტილ წრეს უმოკლეს ვადებში გაარღვევდა.

ყველამ იხილეთ ევროპარლამენტის მიერ რამდენიმე დღის წინ მიღებული რეზოლუცია, სადაც ევროპელი პოლიტიკოსები „ნაციონალური მოძრაობის“ დამნაშავე ლიდერებს კიდევ ერთხელ გამოექომაგნენ. ამ შემთხვევაშიც, გლობალურმა ომის პარტიამ ევროპარლამენტი აიძულა, სრულიად არაევროპული რეზოლუციისთვის დაეჭირა მხარი. ამ ყველაფერს ორი მიზანი ჰქონდა: ერთი მხრივ, საქართველოს საქმეებში კიდევ ერთხელ უხეშად ჩარევა სცადეს და მეორე მხრივ, ყველას კიდევ ერთხელ აჩვენეს, რომ ევროპარლამენტი მათ ერთ-ერთ მორიგ ინსტრუმენტად არის ქცეული, რომელსაც ნებისმიერ დროს, როგორც უნდათ, ისე გამოიყენებენ. ამ სრულიად არაევროპული რეზოლუციის დამტკიცებით, კიდევ ერთხელ გამოჩნდა, თუ რამხელა გავლენა აქვს გლობალურ ომის პარტიას ევროკავშირზე. გლობალური ომის პარტია ევროკავშირის საკუთარი ხელით ანგრევინებს ევროპულ ღირებულებებს, რაც, ზოგადად, მისი ჩვეული ხელნერაა. ზუსტად ასევე ანგრევდნენ ისინი საქართველოს 2004-12 წლებში, ხელისუფლებამი მყოფი ქართველების ხელით.

საქართველოს ბედი ქართველმა ხალხმა უნდა განწყვიტოს. ამ წლების განმავლობაში, ჩვენ დავაგროვეთ საკმარისი რესურსი, რომ სუვერენიტეტის სრულად განმტკიცება დავინყოთ. სწორედ ამას ემსახურება კანონი „უცხოური გავლენის გამჭვირვალობის შესახებ“. არჩევნების შემდეგ კი ჩვენ გვექნება იმის საშუალება, რომ კოლექტიურ ნაციონალურ მოძრაობას გამოვუტანოთ მკაცრი პოლიტიკური და სამართლებრივი

განაჩენი, რომელსაც ის 9-წლიანი სისხლიანი მმართველობისა და 12-წლიანი „მაოხრებელი გზირობისთვის“ იმსახურებს.

არჩევნების შემდეგ, ნაციონალური მოძრაობა მკაცრად აგებს პასუხს ყველა იმ დანაშაულისთვის, რომელიც მან 2 ათწლეულის მანძილზე ქართული სახელმწიფოსა და ქართველი ხალხის წინააღმდეგ ჩაიდინა!

ჯერ კიდევ 2014 წელს დავაფუძნე „საზოგადოება 2030“. მაშინ ევროკავშირის წევრობა ძალიან შორეულ პერსპექტივად მოჩანდა და განვევრინებოდა საჯაროდ საუბარს ვერიდებოდი, რადგან საზოგადოებას ჩემი ჭარბი ოპტიმიზმი შეიძლება არ მოსწონებოდა. თუმცა, ჯერ კიდევ მაშინ ვხედავდი, რომ საქართველოს 2030 წლისთვის ევროკავშირში განვევრინება შეეძლო. დღეს, როდესაც 2030 წლამდე, სულ რაღაც 6 წელია დარჩენილი, საქართველო არის გამოკვეთილი ლიდერი ევროკავშირის წევრობის კანდიდატ ქვეყნებს შორის დემოკრატიის, ადამიანის უფლებების, ინსტიტუტების სიძლიერისა და კორუფციის სიმცირის თვალსაზრისით. საქართველოს ეკონომიკა იზრდება ყველაზე სწრაფად ყველა კანდიდატ ქვეყანას შორის.

გაძლევთ პირობას, რომ ყველა წინააღმდეგობას გადავლახავთ, სუვერენიტეტსაც განვიმტკიცებთ, მშვიდობასაც შევინარჩუნებთ, ქართულ ეკონომიკასაც გავაძლიერებთ და 2030 წელს გავხდებით ევროკავშირის წევრი ქვეყანა. ჩვენ ვართ უნიკალური ერი, უნიკალური ისტორიით, ტრადიციებითა და იდენტობით. სწორედ ამ უნიკალური ეროვნული ტრადიციებითა და იდენტობით უნდა განვევრინადეთ საერთო ევროპულ ოჯახში, რადგან მხოლოდ ასეთ შემთხვევაში შეიძლება ჰქონდეს ნამდვილი ფასი ევროკავშირის საქართველოსთვის და საქართველოს - ევროკავშირისთვის.

ჩვენი ფეხბურთელების წარმატებამ გავვიწყარა რწმენა, რომ ოცნებების ახდენა შესაძლებელია. ქართველ გულშემატკივარს აუხდა 30-წლიანი ოცნება და საქართველოს ნაკრები, პირველად ისტორიაში, გავიდა ევროპის ჩემპიონატზე. მეჯერა, რომ ეს უდიდესი წარმატება არის პირველი ნაბიჯი ჩვენი ქვეყნის ოცნებების ახდენის გზაზე.

თავისუფალი, დამოუკიდებელი და სუვერენული საქართველო, ევროკავშირის წევრი საქართველო, გაერთიანებული და გამთლიანებული საქართველო, ეს არის ჩვენი ქართული ოცნება, რომელსაც ყველა ერთად, აუცილებლად ავიხდენთ.

კიდევ ერთხელ, წინასწარ გილოცავთ აღდგომის ბრწყინვალე დღესასწაულს! გისურვებთ სულიერ და ფიზიკურ მხნეობას, ბედნიერებას და წარმატებებს თქვენ და თქვენს ოჯახებს!

გაუმარჯოს დამოუკიდებელ, თავისუფალ, სუვერენულ და ერთიან საქართველოს!



ფინანსური დარღვევები გარემოს დაცვისა და სოფლის მეურნეობის სამინისტროში

მასპა რუხაძე

სახელმწიფო აუდიტის სამსახური საქართველოს გარემოს დაცვისა და სოფლის მეურნეობის სამინისტროში დაინტერესდა. კონსოლიდირებული ფინანსური ანგარიშგების აუდიტი, რომელიც უწყების ვებ-გვერდზე გამოქვეყნდა, 2022 წლის 31 დეკემბრით დასრულებულ პერიოდს მოიცავს. სათანადო შემონიშვნისა და შესწავლის შედეგად, სახელმწიფო მაკონტროლებელმა უარყოფითი დასკვნა გასცეს და აღნიშნეს, რომ გარემოს დაცვისა და სოფლის მეურნეობის სამინისტროს თანდართული კონსოლიდირებული ფინანსური ანგარიშგება, ყველა არსებითი ასპექტის გათვალისწინებით, მომზადებული არ არის საბიუჯეტო ორგანიზაციებისთვის საქართველოს კანონმდებლობით დადგენილი ბუღალტრული აღრიცხვის წარმოებისა და ფინანსური ანგარიშგების მომზადებისა და წარდგენის სათანადო საფუძვლების შესაბამისად.

„ვერსია“ გათვალისწინებით ძირითად დარღვევებს, რომლებიც სახელმწიფო აუდიტორებმა ოთარ შამუგიას უწყებაში გამოავლინეს.



სახელმწიფო აუდიტის სამსახურის დასკვნა

ხარვეზები ინვესტიციებში

სოფლის განვითარების სააგენტოს 2022 წლის 31 დეკემბრით დასრულებულ ფინანსურ ანგარიშგებაში ასახულია შპს „სოფლის მეურნეობის ლოგისტიკისა და სერვისების კომპანიისთვის“ გაცემული სესხები, ჯამური ღირებულებით – 3 600 000 ლარი, ხოლო მათზე დარიცხული გადაუხდელი მოკლევადიანი საპროცენტო მოთხოვნები – 983 168 ლარი. აუდიტის შედეგად გაირკვა, რომ ხელშეკრულების გაფორმებიდან პირობები მრავალჯერ შეიცვალა, სესხის ძირის დაბრუნება და პროცენტის გადახდა 2023 წლის 31 დეკემბრამდე გადავადდა.

„აღსანიშნავია, რომ შპს „სოფლის მეურნეობის ლოგისტიკისა და სერვისების კომპანიის“ ხელშეკრულების მოქმედების პერიოდში არ გადაუხდია ძირისა და პროცენტის თანხები და ამავდროულად 2021 და 2022 წლები ფინანსური ზარალით დაასრულა. გარდა ამისა, სოფლის განვითარების სააგენტომ 2022 წელს კომპანიას გადაურიცხა 1 მილიონი ლარის სუბსიდიის მიმდინარე ხარჯების დასაფინანსებლად. კომპანიამ წერილობით მიმართა სოფლის განვითარების სააგენტოს დირექტორს, სადაც მითითებულია, რომ უახლოეს პერიოდში დაინიშნებენ არსებული ვალდებულებების დაფარვას, თუმცა აუდიტის ანგარიშის თარიღისთვის აღნიშნულ სესხთან მიმართებით კომპანიის მხრიდან ჩარიცხვა არ ფიქსირდება.

ამავდროულად უნდა აღინიშნოს, რომ შპს „სოფლის მეურნეობის ლოგისტიკისა და სერვისების კომპანიის“ 2021 წლის ფინანსურ ანგარიშგებაზე დამოუკიდებელმა აუდიტორებმა უარი განაცხადეს მოსაზრების გამოთქმაზე და დასკვნა მოიცავს აბზაცს ფუნქციონირებასთან დაკავშირებულ არსებით განუსაზღვრელობაზე. გარდა ამისა, აუდიტის დამტკიცების თარიღამდე სოფლის განვითარების სააგენტომ მოგვანოდა შეთანხმებები რომელთა მიხედვითაც, სესხის ძირის დაბრუნება და პროცენტის გადახდა კვლავ გადავადდა 2024 წლის 31 დეკემბრამდე“, – ვკითხულობთ აუდიტის დასკვნაში.

აქედან გამომდინარე, შესაძლოა, აღნიშნული სესხებისა და მათზე დარიცხული პროცენტის მიღების ალბათობა მცირე იყოს და არ აკმაყოფილებდეს აქტივად აღიარების კრიტერიუმებს. შედეგად, სახელმწიფო აუდიტორები ვერ დარწმუნდნენ, 2022 წლის 31 დეკემბრის მდგომარეობით წარდგენილ კონსოლიდირებულ ფინანსურ ანგარიშგებაში „მიმდინარე ინვესტიციების“ მუხლსა და მასთან დაკავშირებულ „მოკლევადიანი

(მიმდინარე) დებიტორული დავალიანებების“ მუხლში ასახული ნაშთები რამდენად აკმაყოფილებენ აქტივად აღიარების კრიტერიუმს.

ხარვეზები მოკლევადიან დავალიანებებში

2022 წლის 31 დეკემბრით დასრულებული ფინანსური ანგარიშგების მოკლევადიან დებიტორულ დავალიანებებში ასახულია 1 273 180 ლარის მოთხოვნები, რომლებიც უკავშირდება 2017-2020 წლებში სამართალდარღვევების ოქმებით დარიცხულ ჯარიმებს. აღნიშნულ მოთხოვნებზე 2021-2022 წლებში ბრუნვა არ ფიქსირდება. გარდა ამისა, ერთიან სახაზინო კოდეზზე ჯარიმებთან დაკავშირებული ჩარიცხვები 510 221 ლარით აღემატება ჩამონერილ დებიტორულ დავალიანებებს. აღნიშნული სხვაობის იდენტიფიცირება დეპარტამენტის მიერ ვერ ხერხდება. შედეგად, ვერ მივიღეთ რწმუნება აღნიშნული მოკლევადიანი დებიტორული დავალიანებების ნაშთის არსებობაზე.

„გარემოსდაცვითი ზედამხედველობის დეპარტამენტმა 2021 წლის 31 დეკემბრის მდგომარეობით დეპარტამენტმა გამოავლინა 6 984 012 ლარის სისხლის სამართლის დანაშაულის ნიშნების შემცველი ზიანი, რაც ასახა ფინანსურ ანგარიშგებაში. აღსანიშნავია, რომ 2022 წელს დეპარტამენტის მიერ გამოწერილი ოქმების საფუძველზე, ჯამურად – 9 075 836 ლარის ზიანი გამოვლინდა, თუმცა დეპარტამენტმა შეცვალა მიდგომა და 2022 წლის 31 დეკემბრით წარდგენილ ფინანსურ ანგარიშგებაში ასახა მხოლოდ სასამართლო გადაწყვეტილების შედეგად დაკისრებული ზიანი – 65 070 ლარის ოდენობით. შესაბამისად, მსგავსი ოპერაციებისთვის დეპარტამენტს გამოყენებული აქვს განსხვავებული მიდგომა“.

ხარვეზები მატერიალურ მარაგებში

ეროვნული სატყეო სააგენტოს ფინანსურ ანგარიშგებაში „მატერიალური მარაგების“ მუხლის 1 011 562 ლარის საბალანსო ღირებულების მქონე მარაგებთან დაკავშირებით, 2022 წელს ბრუნვა არ ფიქსირდება. მათ შორის არის 736 809 ლარის მზა პროდუქციის მარაგი, რომელიც შესაძლოა აღარ აკმაყოფილებდეს აქტივად აღიარების კრიტერიუმს, ვინაიდან გარემო პირობების ზემოქმედების შედეგად შესაძლოა დაზიანებული იყოს და

აღარ იყოს ვარგისი დანიშნულებისამებრ გამოსაყენებლად. სამინისტროდან მიღებული ინფორმაციის თანახმად, მიმდინარეობს სავალდებულო ინვენტარიზაცია, რომლის შედეგების გათვალისწინებით დაზუსტდება აღნიშნული ნაშთი.

„სოფლის განვითარების სააგენტომ 2019 წელს სახელმწიფო პროგრამის ფარგლებში შეიძინა სამი დანადგარი, ჯამური ღირებულებით 1 722 000 ლარი. აქტივები გადასაცემად იყო განკუთვნილი, შესაბამისად არც ექსპლუატაციაშია მიღებული და ცვეთაც არ ერიცხება. აქტივის მომავალ გამოყენებასთან დაკავშირებით სოფლის განვითარების სააგენტოს გეგმა არ აქვს შემუშავებული. სოფლის განვითარების სააგენტოს ბალანსზე აღრიცხულია 147 618 ლარის დაუმთავრებელი აქტივები, რომლებიც წარმოადგენს საწარმოების პროექტებსა და ხარჯთაღრიცხვის დოკუმენტაციას, რომელზეც ორი წელია ბრუნვა არ ფიქსირდება და შესაძლოა არ აკმაყოფილებდეს აქტივად აღიარების კრიტერიუმს“.

გარემოს ეროვნული სააგენტოს ფინანსურ ანგარიშგებაში ასახულია 231 973 ლარის დაუმთავრებელი მშენებლობა, რომელზეც გარემოს ეროვნულმა სააგენტომ ვერ წარმოადგინა მიღების შესაბამისი პირველადი დოკუმენტაცია.

ხარვეზები ძირითად აქტივებში

გარემოს ეროვნული სააგენტოს სახელზე რეგისტრირებულია ისეთი ძირითადი საშუალებები, 18 რომლებიც არ არის ასახული ფინანსურ ანგარიშგებაში. უნდა აღინიშნოს, რომ გარემოს ეროვნულმა სააგენტომ აუდიტის მიმდინარეობისას აღნიშნული ძირითადი საშუალებები (მინები) შეაფასა და 2023 წლის 20 ნოემბრის ბრძანების საფუძველზე ასახა ბალანსზე. მინების ჯამურმა ღირებულებამ 2 552 917 ლარი შეადგინა. შედეგად, 2022 წლის 31 დეკემბრის მდგომარეობით წარდგენილ კონსოლიდირებულ ფინანსურ ანგარიშგებაში „ძირითადი აქტივების“ მუხლი შემცირებულია 2 552 917 ლარით. კორექტირება მნიშვნელოვანია 2023 წლის 31 დეკემბრის მდგომარეობით წარსადგენ კონსოლიდირებულ ფინანსურ ანგარიშგებაში გამჟღავნებული წინა პერიოდის შესაძარისი ინფორმაციის თვალსაზრისით.

დასასრული მე-7 გვერდზე

ფინანსური დარღვევები გარემოს დაცვისა და სოფლის მეურნეობის სამინისტროში

მე-6 გვერდიდან

„2022 წლის 31 დეკემბრის მდგომარეობით, მოკლევადიანი კრედიტორული დავალიანებები სოფლის განვითარების სააგენტოსთვის შეადგენს 848 484 ლარს, ხოლო დონორების პროექტისთვის მოკორესპოდენტო დებიტორული დავალიანება – 796 665 ლარს, რომელიც შემცირებულია 51 819 ლარით. აღნიშნული თანხები არ არის ელიმინირებული კონსოლიდირებულ ფინანსურ ანგარიშგებაში.

გარდა ამისა, დონორების პროექტის ინდივიდუალურ ფინანსურ ანგარიშგებაში აღრიცხულია სოფლის განვითარების სააგენტოსთვის 1 157 530 ლარის გრანტის სახით გაცემული ხარჯი, ხოლო სოფლის განვითარების სააგენტოს ინდივიდუალური ფინანსური ანგარიშგების მიხედვით, დონორების პროექტიდან გრანტის სახით მიღებულმა შემოსავლებმა 747 650 ლარი შეადგინა. შესაბამისად, სოფლის განვითარების სააგენტოს ინდივიდუალურ ფინანსურ ანგარიშგებაში „გრანტის სახით მიღებული შემოსავლების“ მუხლი შემცირებულია 409 880 ლარით, რომელიც ასევე ექვემდებარება ელიმინირებას“.

კონსოლიდირებულ ფინანსურ ანგარიშგებაში, „მოკლევადიანი (მიმდინარე) დებიტორულ დავალიანებების“ მუხლი გაზრდილია 796 665 ლარით, „მოკლევადიანი კრედიტორული დავალიანებების“ მუხლი – 848 484 ლარით, ხოლო „გრანტის ხარჯის“ მუხლი – 409 880 ლარით.

სოფლის განვითარების სააგენტომ 2022 წელს მოთხოვნების ანგარიშზე აღრიცხა 2 935 186 ლარის თანხა, რომელიც უკავშირდება ხელშეკრულების პირობების დარღვევის გამო გამოწერილ ჯარიმებს. სააგენტომ აღნიშნული თანხა შემოსავლის ნაცვლად ასახა ვალდებულებებში, რამაც 2022 წლის 31 დეკემბრის მდგომარეობით 3 095 673 ლარი შეადგინა. ეს თანხა მოიცავს 339 066 ლარის დარიცხულ ჯარიმას, რომელიც უკავშირდება 2021 წლის პერიოდს და არ არის მიმდინარე პერიოდის შემოსავალი. ასევე უნდა აღინიშნოს, რომ სოფლის განვითარების სააგენტოს ჯარიმების დაფარვისას წარმოშობილი 1 031 842 ლარის შიდა ტრანსფერებით ხარჯები არ აქვს ასახული.

ხარვეზები შემოსავლებსა და გაცვლით ოპერაციებში

სამინისტროს სტრუქტურული ერთეულები დონორი ორგანიზაციებისგან იღებენ სხვადასხვა დანიშნულებით გამოსაყენებელ მიზნობრივ გრანტებს, რომელთა სრულად ათვისება ერთ საანგარიშგებო პერიოდში არ ხორციელდება. წლის ბოლოს სამინისტროს სტრუქტურული ერთეულები ზემოაღნიშნული მიზნობრივი გრანტის ნაშთს – 1 354 114 ლარს, ხაზინის მიმართ მოთხოვნად აღრიცხავენ და პარალელურად, ნაცვლად ვალდებულებისა, გრანტიდან მიღებულ შემოსავლად აღიარებენ. გარდა ამისა, სამინისტროს სტრუქტურულმა ერთეულებმა 2021 წელს აღიარეს მიზნობრივი გრანტის შესაბამისი შემოსავლები, რომლებიც მიეკუთვნებოდა 2022 წელს.

„გარემოს ეროვნული სააგენტოს დებულების თანახმად, სააგენტოს მოვალეობაში შედის სამონადირეო მეურნეობის სპეციალური ლიცენზიის, თევზჭერის ლიცენზიის, ექსპორტის მიზნით სოჭის გირჩით სარგებლობის ლიცენზიების გაცემა და სხვ., რაც წარმოადგენს სახელმწიფო სახელით ფლობილ შემოსავლებს. გარემოს ეროვნული სააგენტოს 2022 წლის 31 დეკემბრით წარდგენილ ფინანსურ ანგარიშგებაში ასახული „გაცვლითი ოპერაციებიდან მიღებული შემოსავლების“ მუხლი არ მოიცავს 10,337,540 ლარის ზემოაღნიშნულ შემოსავლებს, რადგანაც სააგენტო 2023 წლამდე არ აღრიცხავდა მსგავსი ტიპის შემოსავლებთან დაკავშირებულ გატარებებს.



სოფლის განვითარების სააგენტოს სადებოზიტო ანგარიშებზე განთავსებული აქვს თანხა, რაზეც წლის განმავლობაში ერიცხება საპროცენტო სარგებელი. სოფლის განვითარების სააგენტოს 2022 წლის საპროცენტო შემოსავლები არ მოიცავს დეკემბრის საპროცენტო სარგებელს 112 661 ლარის ოდენობით და მოიცავს 4 990 ლარის შემოსავალს, რომელიც მიეკუთვნება 2021 წელს. შედეგად, „საპროცენტო შემოსავლების“ მუხლი შემცირებულია 107 671 ლარით“.

სამინისტროს აპარატის ფინანსურ ანგარიშგებაში 2022 წლის 1 იანვრის მდგომარეობით აღრიცხულია 5 509 985 ლარის 1996-2009 წლებში წარმოშობილი და ლიკვიდირებული ორგანიზაციების ბალანსებიდან გადმოსული ვადაგადაცილებული კრედიტორული დავალიანებები, მათ შორის, გაუცემელი შრომის ანაზღაურება და მასთან დაკავშირებული ბიუჯეტის წინაშე დარიცხული 5 272 247 ლარის ვალდებულებები.

„2022 წლის მოხსენებითი ბარათისა და ინვენტარიზაციის შედეგების განხილვის ოქმის საფუძველზე, სამინისტროს აპარატმა ზემოაღნიშნული ვალდებულებები ჩამოწერა, გადაიტანა საცნობარო მუხლში და აღიარა შესაბამისი შემოსავლები. პირობით ვალდებულებებში გადატანის საფუძველად მითითებულია გარემოებები, რომლებიც სამინისტროს აპარატისთვის 2022 წლამდე იყო ცნობილი. შესაბამისად, ზემოთ მითითებული თანხა უნდა გასწორებულიყო რეტროსპექტულად წმინდა აქტივების/კაპიტალის საწყისი ნაშთის კორექტირების გზით. აღნიშნული კორექტირება მნიშვნელოვანია 2023 წლის 31 დეკემბრის მდგომარეობით წარსადგენ კონსოლიდირებულ ფინანსურ ანგარიშგებაში გამჟღავნებული წინა პერიოდის შესადარისი ინფორმაციის თვალსაზრისით“.

რეკომენდაციები

დარღვევების გამოვლენის შემდეგ, სახელმწიფო აუდიტორებმა შეიმუშავეს რეკომენდაციები, რომლებიც უწყებამ აუცილებლად უნდა გაითვალისწინოს.

„დებიტორული დავალიანებების სათანადო კონტროლის მიზნით მნიშვნელოვანია, გარემოსდაცვითი ზედამხედველობის დეპარტამენტმა წარმოშობის წლების მიხედვით შეისწავლოს მოთხოვნები, რომლებზეც პერიოდის განმავლობაში ბრუნვა არ ყოფილა, შეაფასოს რამდენად აკმაყოფილებენ დებიტორული დავალიანებები აქტივად აღიარების კრიტერიუმებს; ასევე უზრუნველყოს ერთიან სახაზინო კოდზე ჯარიმებთან დაკავშირებული ჩარიცხვების იდენტიფიცირება და დააკორექტიროს შესაბამისი მუხლი.

ფინანსური ანგარიშგების სამართლიანი წარდგენისა და აქტივების ეფექტიანი მართვის მიზნით, მიზანშეწონილია ეროვნულმა სატყეო სააგენტომ უზრუნველყოს მარაგების მომავალი გამოყენებისთვის იდენტიფიცირება უსარგებლო და გამოუსადეგარ მარაგებთან დაკავშირებით, შეაფასოს მათი შემდგომი განკარგვის საუკეთესო ალტერნატივები“.

გარდა ამისა, ფინანსური ანგარიშგების სამართლიანად და უტყუარად წარდგენის მიზნით, მნიშვნელოვანია ძირითადი აქტივებისა და სხვა გრძელვადიანი არაფინანსური აქტივების გაუფასურების ინდიკატორების არსებობის დადგენა. სოფლის განვითარების სააგენტომ იმსჯელოს ძირითადი აქტივების ანგარიშზე აღრიცხული გამოუყენებელი დანადგარებისა და 147 618 ლარის დაუმთავრებელი აქტივების შესახებ, ხოლო სსიპ – გარემოს ეროვნულმა სააგენტომ – 231 973 ლარის დაუმთავრებელი მშენებლობის შესახებ. იმ შემთხვევაში, თუ აქტივების მომავალში გამოყენება შეუძლებელია, იმსჯელონ გამომწვევ მიზეზებზე და იმოქმედონ კანონმდებლობის შესაბამისად.

„ფინანსური ანგარიშგების სამართლიანად და უტყუარად წარდგენის მიზნით, მნიშვნელოვანია ანალოგიურ ვითარებაში განხორციელებული მსგავსი ოპერაციებისა და მოვლენების მიმართ სამინისტრომ შეიმუშაოს და გამოიყენოს ერთიანი სააღრიცხვო პოლიტიკა. კერძოდ, განსაზღვროს რესურსების გადინების/შემოსვლის ალბათობები და მათთან დაკავშირებული ვალდებულებების/აქტივების ტიპები“.

„მამული, ენა, სარწმუნოება“ – ილია ჭავჭავაძის შებენიანი

სამი ღვთაებრივი საუნჯე დაგვრჩა ჩვენ მამა-პაპათაგან: მამული, ენა, სარწმუნოება. თუ ამით არ ვუპატრონეთ, რა კაცები ვიქნებით, რა პასუხს გავსვეთ შთამომავლობას? სხვისა არ ვიცით და ჩვენ კი მშობელ მამასაც არ დავუთმობდით ჩვენ მშობლიურ ენის მიწასთან გასწორებას. ესა საღმრთო რამ არის, საზოგადო საკუთრებაა, მაგას კაცი ცოდვილის ხელით არ უნდა შეეხოს.

ქრისტიანობა, ქრისტეს მოძღვრების გარდა, ჩვენში ჰნიშნავდა მთელის საქართველოს მიწა-წყალს, ჰნიშნავდა ქართველობას. დღესაც, მთელს ამიერკავკასიაში ქართველი და ქრისტიანი ერთისა და იმავეს მნიშვნელობის სიტყვები არიან. გაქრისტიანების მაგიერ გეტყვიან: გაქართველდაო. ჩვენმა სამღვდლოებამ კარგად იცოდა, რომ მამული და ეროვნება, რჯულთან ერთად შეერთებული, რჯულთან შეხორც-შეთვისებული, უძლეველი ხმალია და შეუღწევი ფარია მტრისა წინაშე. სიტყვას ქადაგებისას, სწავლას, მოძღვრებას იგი სულ იმაზედ მოაქცევდა ხოლმე, რომ მამული და ეროვნება რჯულამდე გააპატიოსნოს, სარწმუნოებამდე აღამაღლოს, ასწიოს და ყოველივე ამ სამს წმინდას და უდიდესს საგანს, ერთად შეერთებულს, თავდადებით ამსახუროს, თავგანწირვით ამოქმედოს.

აი, სად და რაში ჰპოულობდა ჩვენი უწინდელი სამღვდელოება თავის სულიერს და ხორციელს ღონეს, თავის ძლიერებას, პატივისცემას! აი, როგორ გაიმაგრა სამღვდელოებამ სარწმუნოება ქრისტიანში ამ პატარა ქვეყანაში, რომელსაც გარშემო ვეშაპი მტრები ეხვივნენ და ჰლამობდნენ, ქრისტიანობა ძირიანად ამოეგდოთ. აი, რამ მოაგერიებინა ამ პატარა ქვეყანას აუარებელი მტერი! მამული და ეროვნება მოაშველა სამღვდელოებამ რჯულს, რჯული – მამულსა და ეროვნებას, და ეგრეთ მოძღვრებულმა ერმა ეს სამება წაინძვარა წინ, ათასხუთასი წელიწადი ომითა და სისხლისღვრითა გამოიარა და ქართველს ბინაც შეუნახა და ქართველობაცა.

საქართველოს ერმა გადაიხსნა გული, შიგ განიბნია იგი ჯვარი პატიოსანი და თვითონაც ჯვარს ეცვა და არავის კი არ შეარყევინა არც თავისი გული და არც გულში ღრმად და მკვიდრად გაბნეული ჯვარი. მას აქეთ თხუთმეტი საუკუნე გულში ჯვრით და ხელში ხმლით იბრძოდა, ღვინოდა, სისხლსა ჰღვრიდა ქართველი კაცი და ნათელი ბნელზედ ვერავინ შეაცვლევინა. ჩვენი ისტორიის სახელი და დიდება, ჩვენთა დიდებულთა წინაპართა სასწაულმოქმედი მხნეობა, თავგანწირვა, თავდადება, ვაჟკაცობა სულ იმ ნათლით არის გასხივოსნებული, იმ შარავანდედით არის მოსილი, რომელიც „ძელმა ჭეშმარიტებისამ“, წმინდა ნინოს მადლით და ღვანლით აღმართულმა, მოჰვირა მთელს ჩვენს ქვეყანასა. ამ ძელზე სხივოსანის ასოებით, ქრისტეს წმინდა სისხლით დაწერილი იყო და არის იგი მცნება, რომელიც უდიდესია ყოველს მცნებაზედ: „გიყვარდეს მოყვასი შენი, ვითარცა თავი შენი“.

ამ მცნების მოძღვარს ეთაყვანებოდა ჩვენი ქვეყანა, იგი აღიარა ღმერთად და იმას აუწიოთ თავისი გული წმინდა სანთლად, რომელიც დღეს აქამომდე არ გამქრალა და არც გაჰქრება, მინამ არ გაჰქრება თვითონ ქართველიცა. ამ კაცთმოყვარე ღმერთისათვის იწამა ჩვენი ქვეყანა, ამას ანაცვალა, მას შესწირა ყოველივე, რაც კი ადამიანს საბედნიეროდ აქვს მონიჭებული, ეკლის გვირგვინი დაიდგა თავზედ, თხუთმეტი საუკუნე გულგაუდრეკლად ატარა თავ-პირდასისხლიანებულმა ჩვენს დრომდე შეუმნიკვლელად მოიტანა

დიდი ნამება დიდბუნოვნების ნიშანია, როგორც დიდი ძლევა მოსილება. დიდი ნამება იგივე დიდი გამარჯვებაა, რომელიც ნილად ხვდება ხოლმე დიდბუნოვანს კაცსა, ხოლო გამარჯვებული ბედნიერია იმიტომ, რომ თვითონაც სტკება მით, რაც გამარჯვებას მოაქვს, და ნამებულს კი თვით იწვის სანთელსავით და სხვას კი გზას უნათებს.

ამიტომაც ეკლიანი გვირგვინი ნამებულისა უფრო უანგაროა, უფრო მიმზიდველია, უფრო საგულმტკიცენულოა და, მაშასადამე, უფრო მშვენიერი, სასახელო და სადიდებელი. მარტო ამ ნამებულთა ჰლოცულობს კაცობრიობა, მარტო ამ ნამებულთა აღიარებს იგი წმინდანებად და თავგანს სცემს ლოცვითა და კურთხევითა.

ეკლიანი გვირგვინი, ჩვენს დღემდე მოტანილი ჩვენთა წინაპართაგან, ამ მშვენიერებითა ჰშვენივს, ამ სახელითა სახელოვნობს, ამ დიდებით ჰდიდებას. თუ ვისმე სამართლიანად ეთქმის, რომ თვით დაინჯნენ და სხვას კი გზა გაუნათესო, ეს ჩვენს მამა-პაპას ეთქმის და მადლობელი შვილი ღმობიერებით პირქვე უნდა დავემხობთ მათ საფლავთა წინაშე და ვუგალობთ დიდება დიდებულთა და ქება ქებულთა.



მოგვევლინა წმინდა ნინო, გვამცნო და გვასწავლა ქრისტეს რჯული და ახალმა მშვენიერმა აღთქმამ განაახლა ჩვენი ქვეყანა ახალის ცხოვრებისათვის. ქართველმა არ რჯულს, ამ ახალს აღთქმას, შეუერთა ძველისაგან ყოველივე ის, რაც-კი რამ ძვირფასია ადამიანისათვის და რაც თავის-დღეში არ დაძველდება, მინამ ადამიანი არსებობს: შეუერთა მამული და ეროვნება. ეს სამი ერთმანეთის ღირსი საგანი ისე ჩაინწენ, ისე ჩაქსოვდნენ ერთმანეთში, რომ რჯულის დაცვა საქართველოს მიწა-წყლის დაცვად გარდაიქმნა და მიწა-წყლის დაცვა – რჯულის დაცვად. რჯული ჩვენი მამულის, ჩვენი ეროვნების ხმლად იქცა ზედმისევისათვის და ფარად ზედმოსეულთათვის.

წმინდა ნინოს მოციქულობით მოფენილმა და დამკვიდრებულმა ქრისტიანობამ გვიხსნა ჩვენ არამცთუ სულიერად, არამედ ხორციელადაც. იმა უდიდესმა მოძღვრებამ, რომელიც ქრისტე ღმერთმა მოუვლინა ქვეყანას ხსნად და ცხოვნებად, თავისი ძლევა მოსილი კალთა გადააფარა ჩვენში ჩვენს მამულს, ჩვენს ეროვნებას, ვითა ობოლნი შეიკედლა, თავისის ღვთაებურის ძალ-ღონით გამოჰზარდა, შეჰმოსა, შთაუდგა გული რკინისა, გაუმძღვარა ჯვარი პატიოსანი და ძელი ჭეშმარიტებისა. და, აი, ათასხუთასი წელიწადია, ამ ძალ-ღონით ქრისტიანობამ შემოგვინახა ჩვენ ჩვენი მიწა-წყალი, ჩვენი ენა, ჩვენი ვინაობა, ჩვენი ეროვნობა.

ქრისტიანობის მოფენა და დამკვიდრება თითონ ცალკედ, თავისთავად დიდი ღვანლია, და რომ ქრისტიანობამ ქვეთკირსავით შეგვკრა და გავგამაგრა, რომ ქრისტიანობა გაგვიძღვა მამულისა და ეროვნების შერჩენისა და ხსნისათვის, ღვანლი იგი გვიორკეცდება, გვიდიდება, გვიძლიერდება. ეგ გაორკეცებული, ეგ განდიდება ღვანლი დაგვყო ჩვენ ჩვენმა განმანათლებელმა წმინდა ნინომ. აი რით არის მართლა სადიდება, მართლა სადიდ-დღესასწაულო იგი დღე, როდესაც ჩვენი ეკლესია დიდებით იხსენიებს ამ მოციქულთა-სწორს ქალწულსა. ამა ღვთაებურის მადლით მოსილმა მოციქულმა დაგვანაფა დაუმბრუნებლს წყაროს ღვთაებურის ჭეშმარიტებისას და მოგვივლინა იგი მოძღვრება, რომელმაც იშვილა ჩვენი მამული, ჩვენი ეროვნება, და ერთსაც და მეორესაც უპატრონა დღემდე.

ქრისტე-ღმერთი ჯვარს ეცვა ქვეყნისათვის და ჩვენს ჯვარს ვეცვით ქრისტესათვის. ამ პატარა საქართველოს გადავუღვდეთ მკერდი და ამ მკერდზედ, როგორც კლდეზედ, დავუდგით ქრისტიანობას საყდარი, ქვად ჩვენი ძვლები ვიხმარეთ და კირად ჩვენი სისხლი, და ბჭეთა ჯოჯოხეთისათა ვერ შემუსრეს იგი. გავწყდით, გავიჟლიტენით, თავი გავწირეთ, ცოლ-შვილი გავწირეთ, უსწორო ომები ვასწორეთ, ხორცი მივეცით სულისთვის და ერთმა მუჭა ერმა ქრისტიანობა შევიწახეთ, არ გავექრეთ ამ პატარა ქვეყანაში, რომელსაც ჩვენს სამშობლოს, ჩვენს მამულს – სამართლიანის თავმოქმონებით ვეძახით.

სარწმუნოების სხვა-და-სხვაობა ჩვენ არ გვაშინებს. ქართველმა, თავის სარწმუნოებისათვის ჯვარცმულმა, იცის პატივი სხვის სარწმუნოებისაც. ამიტომაც ჩვენს ისტორიაში არ არის მაგალითი, რომ ქართველს სურვებიყოს ოდესმე სხვისა სარწმუნოების დაჩაგვრა და დევნა. სომეხნი, ებრაელები, თვით მაჰმადიანნიცა, ჩვენს შორის მცხოვრებნი, ამაში ჩვენ ვერაფერს ვერ ნაგვაყვედრებენ. სხვა ქვეყანაში

სარწმუნოებისათვის დევნილნი და ჩაგრულნი – აქ ჩვენში ჰპოულობდნენ მშვიდობის-ყოფელს საგანესა და სინდისის თავისუფლებასა.

საქართველო, როცა-კი მოიცილიდა ხოლმე გარეშე მტერთა ზედმოსევისა და მოგერიებისაგან, მაშინვე შეუდგებოდა ხოლმე ქრისტეს აღსარების განმტკიცების და გაძლიერების საქმესა. როცა-კი ქვეყნის მდგომარეობა ნებას აძლევდა, ქართველნი, ცნობილნი სულიერის მოღვაწეობითა და აღრტყინებულნი ღვთის მოსაობით და სარწმუნოების გრძნობითა, გამოდიოდნენ გამავრცელებლად და მოსარჩლედ მართლმადიდებელის სარწმუნოებისა აღმოსავლეთში: მცირე აზია, სირია და თვითონ ბალკანეთის ნახევარკუნძული თვისდა ახლო მახლო კუნძულებითა დღესაც ჰმონებენ ქართველთა მოღვაწეობას სარწმუნოებისათვის. აქ ყველგან მრავალგვარი ნაშთია დღესაც უტყვე, მაგრამ უტყუარ მონამედ იმისა, რომ გულმოდგინებას ქართველებისას სარწმუნოებისათვის შორსაც გაუდგამს ფეხი და ხელი გაუწვდენია. მონასტრები, ქართველთა ხარჯით და ფულით აშენებულნი, არა ერთი და ორი დღესაც ჰღალატებს ათონის მთაზედ, სინაზედ, სირიაში, იერუსალიმის ახლო-მახლო, რომ ქართველთა თავგამომეტეხებით და დიდის მხნეობით უღვანიათ თავის ქვეყნის გარეთაც სადიდებად თავის სარწმუნოებისა.

„ვით მამა ზეცისა იყავნ შენც სრული“ – აი თავი და ბოლო ადამიანის ცხოვრებისა. ვის რა მანძილი გაუვლია, ცალკე ადამიანი თუ მთელი ერი, – ამ სისრულის გზაზე, ვინ რამოდენად წინ წამდგარა, ვის რამოდენად აღფრთოვანებული აქვს სულთა-სწრაფვა ამ გზაზე დაუღალავად სიარულისათვის, – აი საწყაო, როგორც ცალკე ადამიანის ღირსებისა, ისეც მთელის ერისა.

ადამიანი და ნამეტანავად ერი არა მარტო „პურითა ერთითა ცოცხალ არს“. მართალია, მშვიერი დიდს მანძილს ვერ გაივლის ამ მადლისა და ბოროტების ჭიდილის გზაზე, მაგრამ უმადლოდაც, როგორც ხორცი უსულოდ, არაფრის მაქნისია. ცხოვრება ერთიანი მდინარეა ორის დიდის ტოტისა: ერთს რომ ხორცისათვის მოაქვს საზრდო, მეორეს სულისათვის. თუ ან ერთი დაშრა, ან მეორე, – გვაძი ერისა მკვდარია, ვითარცა უსულოდ ხორცი და უხორციოდ სული, სააქაოსათვის მაინცა. ამიტომაც, ვინცა ჰჩივის და ჰღალატებს სახოცილო პურისათვის, ის იმდენადვე, თუ არ მეტად, უნდა იღვწოდეს სასულიერო პურისათვისაც. ადამიანი, თუ მთელი ერი, იმისათვის კი არ არის გაჩენილი, რომ პური სჭამოს, არამედ პურსა სჭამს იმისათვის, რომ კაცურ-კაცად იცხოვროს და აცხოვროს თავის შთამომავალი.

ღმერთს შენთვის გონება, გული მოუცია, ავარჯიშე, მინამ სიცოცხლე შეგწევს. გონება გზას გაგინათლებს, გული – გაგიტობს, ღმერთი ძლიერია... ყველას გულში, – ბატონია თუ ყმა, მე ვარ თუ შენა, – ღვთისგან ანთებული ცეცხლი ანთია; ის ცეცხლი არ უნდა გავაქროთ, თუ რომ გვინდა პირნათლად შევეყაროთ ჩვენ გამჩენსა, ის ცეცხლი მეც, შენც და სხვათა-ცა ხანდახან იმისთანა საქმეს გვაქმენვენებს, რომ ქვეყანას აკვირებს... რა ვუყოთ, რომ მე და შენ დღეს პატარები ვართ? ვინ იცის... ხვალ ბედი რომ გადატრიალდება, ვინ წინ მოექცევა და ვინ უკან?... რაც შეგვეძლოს, ჩვენ ისა ვქნათ, ღმერთიც ჩვენგან იმასა თხოულობს და კაციცა.

დასასრული მე-15 გვერდზე



საპართედი

№11 1 მაისი 2024 წ

ბათო ჯაფარიძე

გასულ კვირას, სასჯელალსრულების დაწესებულება ლაზარე გრიგორიადისმა დატოვა. ვილაცისთვის ის გმირი და პოლიტპატიმარია, ვილაცისთვის – ჩვეულებრივზე ჩვეულებრივი კრიმინალი და როგორც ბევრ სხვა რამეში, აქაც მოსახლეობის აზრი ორად არის გაყოფილი... შევეცდებით, ავიხსნათ, რას ფიქრობენ ამ დროს ციხეში მყოფი პატიმრები და როგორი დამოკიდებულება აქვთ თავისუფლებაზე მყოფ კრიმინალებს ასეთ დროს, რას ფიქრობენ და რა მოტივაცია უჩნდებათ სამომავლოდ.

ცოტა შორიდან დავინწყით ანუ 2012 წლის ოქტომბრიდან. ჰო, სწორედ იმ დროიდან, როცა ხელისუფლებაში „ქართული ოცნება“ მოვიდა, მაგრამ მაშინ „ოცნებამ“ „მხოლოდ“ საპარლამენტო უმრავლესობა მოიპოვა, პრეზიდენტად კი კვლავ მიხეილ სააკაშვილი იყო და ეს წელიწადზე მეტხანს გაგრძელდა – მიშა თანამდებობაზე 2013 წლის 17 ნოემბრამდე იყო ანუ წელიწადზე მეტი, სააკაშვილს ჰქონდა შესაძლებლობა, „ოცნების“ მმართველობის პირობებში, ციხიდან გათავისუფლებინა ნებისმიერი, ვის გათავისუფლებასაც კი მოსურვებდა. ამ ერთ წელიწადში, სააკაშვილმა ათასზე მეტი პატიმარი შეიწყალა, თუმცა არჩევნებიდან სამ თვეში, ერთ დღეში, ციხიდან 519 პატიმარი შეიწყალა და აქედან 38 გასამართლებული იყო განზრახ მკვლელობის მუხლით, 11 პატიმარი – განზრახ მკვლელობისთვის დამამძიმებელ გარემოებებში, 364 პატიმარი – ქურდობისთვის, 94 პატიმარი – ყაჩაღობისთვის, 2 პატიმარი – ქურდული სამყაროს წევრობისა და კანონიერი ქურდობისთვის.

შეწყალებული შორის მოხვდა პირი, რომელიც ჯარისკაცების ნამების გამო, 16-წლიან სასჯელს იხდიდა. მაშინ ბევრი ამბობდა, რომ სააკაშვილის უახლოესი გარემოცვა უზარმაზარ ფულს აკეთებდა და მიშასთან ყოველდღიურად მიჰქონდათ სიები, ვითომ სამომავლოდ, ეს ხალხი არჩევნებში დამარცხებულ პარტიას წაადგებოდა და სააკაშვილიც ხელს აწერდა, ვილაცები კი მდიდრდებოდნენ. ნუ ვივარაუდებთ, რომ პირებისგან, რომლებსგანაც 200 და 300 ათასი დოლარი აიღეს, პრეზიდენტს ინფორმაცია არ ჰქონოდა და თან ისეთი გულუბრყვილო ყოფილიყო, ხელის ყოველ მონერაზე არ ეფიქრა, რომ მისი გარემოცვა ფულს აკეთებდა. თანაც, სააკაშვილი ყველაზე კარგად მიხვდებოდა, რომ თუ ეს ხალხი პარტიას სჭირდებოდა, მათ საპარლამენტო არჩევნებამდე გამოაშვებინებდნენ მისი გარემოცვის წევრები და არა – არჩევნების წაგების შემდეგ. სხვათა შორის, ამის გამო, სააკაშვილისთვის პასუხი არავის მოუთხოვია და არც მომავალში მოსთხოვს, ზუსტად ისე, როგორც მის წინამორბედ ედუარდ შევარდნაძეს და მის შემკვიდრე გიორგი მარგველაშვილს. ჰო, გიორგი მარგველაშვილს, რომელმაც პრეზიდენტის პოსტზე მოღვაწეობის დროს, 4 181 პატიმარი შეიწყალა და მათ შორის, ცოლის ძმაც. ზენოლისა თუ მონოდებების მიუხედავად, მარგველაშვილმა არ შეიწყალა დეკანოზი გიორგი მამალაძე და ის არც სალომე ზურაბიშვილმა შეიწყალა, თუმცა...

ვერც სააკაშვილის და ვერც მარგველაშვილის კარიერაში ვერ ვიხსენებთ პრეცედენტს, როცა პრეზიდენტს განაჩენის გამოცხადებიდან ათ წუთში, თუ ნახევარ საათში, დაეანონსებინოს, მსჯავრებულ პატიმარს შეიწყალებო. თანაც, ეს განცხადება გააკეთა მაშინ, როცა გრიგორიადისის განაჩენზე საზოგადოებაში არაერთგვაროვანი რეაქცია იყო და ქალბატონმა სალომემ, ადამიანებს სასამართლოს გადაწყვეტილების გააზრებაც კი არ აცადა. ანონსის მიუხედავად, სასამართლომ ბოლომდე გამოიყენა განაჩენის გამოქვეყნებისთვის განკუთვნილი ვადა და ზურაბიშვილმაც მხოლოდ მაშინ მოახერხა შეწყალებისთვის ხელის მონერა, როცა განაჩენის გამოქვეყნებისთვის ვადა გავიდა და ლაზარეს სასჯელმა ფურცელზე დღის სინათლე იხილა.

ლაზარეს საქმე



რატომ შეიწყალა პრეზიდენტმა აქტივისტი და როგორ ექცევიათ ციხეში ცნობილ პატიმრებს

არაფრის მტკიცებას არ ვაპირებ, მაგრამ დავუშვათ, სულ ერთი წუთით დავუშვათ, რომ ლაზარე გრიგორიადისმა მართლაც ისროლა „მოლოტოვის კოქტეილი“ სამართალდამცავებისკენ და მათი ცოცხლად დაწვა სცადა. გამოდის, რომ პრეზიდენტმა შეიწყალა ადამიანი, ვისაც მკვლელობის წარუმატებელი მცდელობა ჰქონდა. ამ ეპიზოდთან დაკავშირებით კითხვები თუ არსებობს, კითხვის ნიშნების გარეშეა, გრიგორიადისის მიერ მამის დაჭრის ფაქტი, რომელიც მანაც აღიარა, მამამაც და რაც მთავარია, მამამ თქვა, დავიმსახურე და იმიტომ დამჭრაო. ვერ გეტყვით, როგორ უნდა დაიმსახუროს მამამ შეილისგან დანის დარტყმა, მაგრამ ფაქტია, ასე მოხდა ანუ თუ დავუშვებთ იმას, რომ ლაზარემ ცეცხლმოკიდებული ბოთლი ისროლა, მანამდე კი მამა დაჭრა, გამოდის, პრეზიდენტმა თავისუფლებაზე გამოუშვა პირი, რომელსაც შეუძლია, თვალის დახამხამების გარეშე, სასიკვდილოდ გაიმეტოს მამა და სამართალდამცავები. ნიშნავს ეს იმას თუ არა, რომ შეწყალებით გათავისუფლებული გრიგორიადისი, მომავალში დანაშაულს კიდევ ჩაიდენს და ჩაიდენს იმის იმედად, რომ ის ევროპამ და ქართულმა ოპოზიციამ პოლიტპატიმრად და გმირად მონათლა? რა თქმა უნდა, გადაჭრით ამის მტკიცება ძნელია, მაგრამ... შანსი არის და ასე რომ მოხდეს, მერე რას იტყვის პრეზიდენტი?

ზოგადად, როცა სასჯელს იხდის ისეთი პატიმარი, რომელზეც მთელმა ქვეყანამ იცის, რომ დანაშაული არ ჩაუდენია, მათ მიმართ კოლეგების დამოკიდებულება განსხვავებულია. ისინი ცდილობენ, უდანაშაულო პატიმარს ყოფა შეუმსუბუქონ, გულშემატკივრობენ, რჩევებს აძლევენ, მაგრამ თუ იციან, რომ პატიმარი დამნაშავეა და მხოლოდ თავისუფლებისთვის ცდილობს ყველასა და ყველაფრის მოტყუებას, პატივისცემაც იკარგება და მეტიც, ცდილობენ, გააღიზიანონ, მუდმივად ახსენებენ, რომ არასწორი თამაშის წესებით მოქმედება არ არის კაცური, თუმცა... ეს ყველაფერი ზონაზე ხდება და არა – ციხეზე, გრიგორიადისი კი ზონაზე არ იყო, მთელი სასჯელი ციხეზე გაატარა, დახურული ტიპის დაწესებულებაში და ამიტომ, მას ნაკლებად ექნებოდა ურთიერთობა სხვა პატიმრებთან, მხოლოდ თანასაკენლებთან ექნებოდა კონტაქტი.

საინტერესოა ის განცხადებაც, რომელიც მან ციხიდან გამოსვლის შემდეგ გააკეთა და აღნიშნა, რომ პენიტენციური დაწესებულებაში ბევრი პრობლემა და მოგვიანებით ვისაუბრებო. მოგვიანებით კი თქვა, რომ მთავარი პრობლემა, თურმე, ის გახლდათ, მისთვის სასურველ მუსიკას რომ ვერ უსმენდა. ვინც არ იცის, ვეტყვით, იმ დაწესებულებაში, სადაც გრიგორიადისი იხდიდა სასჯელს, 2012 წლამდე, მუსიკას საერთოდ არ უსმენდნენ და საკმარისი იყო, ჩვეულებრივად ესაუბრათ და არა ჩურჩულით, რომ საკანში ციხის რეჟიმის წარმომადგენლები შესულიყვნენ, რეჟიმის უფროსის, ოლეგ ფაცაცას ხელმძღვანელობით

და პატიმრები უმოწყალოდ ეცემათ. 2012 წლამდე, გამორიცხული იყო, გრიგორიადისი ციხიდან ისეთი ვარცხნილობით გამოსულიყო, როგორითაც გამოვიდა, რადგან რეჟიმი კატეგორიულად ითხოვდა, თმა ნულზე ყოფილიყო გადაპარსული, ზუსტად ისე, როგორც წვერი და თუ წვერს ყოველ მეორე დღეს არ გაიპარსავდი, თანასაკენლებთან ერთად, უმოწყალოდ იცემებოდი. არავინ ამბობს, რომ რეჟიმი ის იყო, როდესაც გაცინებისთვის გცემდნენ, ხმამაღლა საუბრისთვის გცემდნენ, ღამით ლოცვისთვის გცემდნენ, სანთლის ანთებისთვის გცემდნენ, ხატებს ძირს ყრიდნენ და ნიხლით დგებოდნენ, ოჯახის წევრების ფოტოებს თავზე ახევდნენ... და გრიგორიადისს საყვარელი მუსიკის მოსმენის შესაძლებლობა არ ჰქონია... ისე, ზონაზე რომ ნასულიყო, ამის შესაძლებლობა ექნებოდა, რადგან იქ ტელევიზორების შეტანის უფლება აქვთ, რომელსაც მეხსიერების ბარათი უერთდება და მეხსიერების ბარათზე კიდევ, რასაც ეტყვით ახლობლებს, იმას ჩანერენ და მოგანვდიან. ჰო, ეს არის ცივილური ფორმა, რომელიც 2012 წლამდე არ იყო და... 2012 წლამდე, ციხეში ტელევიზორიც არ იყო და მისი ნახვა მხოლოდ ღია, ან ნახევრად ღია ტიპის დაწესებულებაში შეიძლებოდა.

სხვათა შორის, პოლიციელთა აბსოლუტური უმრავლესობა დარწმუნებულია, რომ პრეზიდენტი არასწორად მოიქცა. მეტიც, ისინი ამბობენ, გრიგორიადისის დედის რეაქცია რომ აჩვენებს ზურაბიშვილის განცხადებაზე შეწყალებასთან დაკავშირებით, იმ ბიჭების დედების რეაქცია რატომ არ ანახეს, რომელთა დაწვასაც ლაზარე ცდილობდაო? ძალიან ვნებიან, რომ გრიგორიადისი დამნაშავე არ არის და არანაირად არ ამართლებენ პრეზიდენტს.

თან, ეს ისეთი შემთხვევაა, შეიძლება, გარკვეული დროის შემდეგ გავიგოთ, შეცდა თუ არა პრეზიდენტი, ან ვერასდროს გავიგოთ, მაგრამ ყველაზე მეტად, იცით, რა არ მესმის? საკმარისია, ვილაც ერთხელ, ორჯერ, ან სამჯერ გამოჩნდეს ტელევიზიით, რომ მაშინვე პოლიტიკაში მივდივარო, განცხადებას აკეთებს და რომელიმე პარტიაში ერთიანდება. არადა, პოლიტიკა მარტივი საქმე არ არის და ასე, შემთხვევით მოხვედრილი ხალხი რომ არის უმრავლესობა, სავარაუდოდ, იმიტომაც ვართ იქ, სადაც ვართ და იმიტომაც ვტრიალებთ ერთ წრეზე, 30 წელზე მეტია. ლაზარეს ასაკში, პოლიტიკური განცხადებების კეთება და ამბიციაც, რომ მე პოლიტიკაში მივდივარ და ქვეყნის ბედი უნდა გადავწყვიტო, უბრალოდ, აბსურდულია. კი ვაგინებთ დღემდე კომუნისტებს, მაგრამ სერიოზულ თანამდებობებზე ანუ იქ, სადაც მართლა პოლიტიკა კეთდებოდა, 60 წელს მიღწეულ ადამიანებს ნიშნავდნენ, გამოცდილებით, სტაჟით, ათასჯერ გადამოწმებულს და გამოწრთობილს. 20-22 წლის გოგო-ბიჭებს მაშინ პილიტიკოსობა კი არა, საზოგადოებრივი საპირფარეოს დირექტორის მოადგილეობას არავინ აღირსებდა.

ალბათ, ასე მხოლოდ საქართველოში არ ხდება. მშობლები ხშირად ცდილობენ, ჩაერიონ შვილების ცხოვრებაში, მონაწილეობა მიიღონ საცოლისა თუ საქმროს შერჩევაში და დაზუსტებით გეტყვიან – დღემდე არსებობს ტრადიცია, რომლის მიხედვითაც, სიძე პატარძალს (ან პირიქით) ხშირად არ იცნობს, უბრალოდ, მშობლებისგან იცის, რომ ის კარგი ოჯახის შვილია და ცოლად მოჰყავს. მერე ირკვევა, რომ მათ სხვადასხვა ინტერესი აქვთ, რომ ან ბიჭია უვარგისი, ან გოგო არ არის ისეთი, როგორსაც ელოდნენ და ამიტომაცაა, საქართველოში ოჯახების დანგრევის რეკორდები წლიდან წლამდე რომ იხსნება. ისტორიას, რომელსაც ახლა გვიამბობთ, დაახლოებით, ასეთი წინაპირობა ჰქონდა, თუმცა... არცთუ იშვიათად, შვილები მშობლების წინააღმდეგ, უბრალოდ, პრინციპის გამო მიდიან.

ახალგაზრდა ბიჭი, რომელიც საერთო საცხოვრებელში ცხოვრობდა, შინ ბრუნდებოდა, როცა გზაზე ორი ჯანიანი კაცი გადაუდგა და ყოველგვარი კითხვის ან გაფრთხილების გარეშე, ცემა დაუწყეს. მეტიც, ბიჭს თავში რალაც მძიმე საგანი ჩაარტყეს, აზრზე კი საავადმყოფოში მოვიდა და ძალიან გაუკვირდა, როცა მაჯაზე ბორკილი ეკეთა, რომელიც რკინის ლოგინზე იყო მიმაგრებული. იქვე, ექთანთან ერთად, მილიციის ფორმაში ჩაცმული მამაკაცი იმყოფებოდა, რომელმაც მშვიდად შეხედა და უთხრა, რომ ის მკვლელობის მცდელობისთვის იყო დაკავებული. ახალგაზრდამ გაოცებისგან პირი დაალო, რადგან კარგად ახსოვდა, როგორ გათიშეს და შესაბამისად, არავის დაზიანება შეეძლო, მაგრამ ძალოვანმა აუხსნა, ხელში იარაღი გიპოვეთ, რომელზეც მხოლოდ შენი ანაბეჭდები იყო და ორჯერ გასროლაც მოასწარი, რასაც შენს თითებზე არსებული დენთის კვალიც ადასტურებსო. რაც მთავარია, საქმეში იყო მონაწილე, რომელიც ამბობდა, რომ ბიჭი მას თავს დაესხა, ჯერ მუშტი დაარტყა სახეში ისე, რომ თვალი ჩაუღურჯა, შემდეგ, იარაღი ამოიღო და მონაწილე იძულებული გახდა, რკინის მძიმე ნაჭერი, რომელიც თან მიჰქონდა, თავდამსხმელისთვის თავში ჩაერთყა, თუმცა მისივე თქმით, თავდამსხმელმა ერთი გასროლა მოასწრო, მეორედ კი იარაღი მაშინ გავარდა, როცა ის უგონოდ დაეცა. დაზარალებულმა მილიციაში დარეკა და ადგილზე მისულმა სამართალდამცავებმა, ეჭვმიტანილი სწორედ იარაღით ხელში დააკავეს. უფრო სწორედ, ის გათიშული იყო და ხელში იარაღი ჰქონდა.

ერთი შეხედვით, საქმე ძალიან მარტივი და ადვილად გამოსაძიებელი იყო, მაგრამ პირველივე დაკითხვის შემდეგ გაირკვა, რომ ყველაფერი ასე მარტივად არ გახლდათ. უბნის რწმუნებულმა არ დაიზარა და საერთო საცხოვრებლის ბინადრები გამოჰკითხა. მართალია, ჩხუბისთვის თვალი არავის მოუკრავს, მაგრამ ყველა ერთსა და იმავეს იმეორებდა – პირველი გასროლის შემდეგ, მეორე გასროლამდე, ყველაზე ცოტა, 30 წამი გავიდაო ანუ გამოდიოდა, რომ უკვე გათიშული და მიწაზე მყოფი ახალგაზრდა ისროდა, რაც გამორიცხული გახლდათ. ამასთან ერთად, ბიჭს ყველა დადებითად ახასიათებდა, ამბობდნენ, გამორიცხულია, ვინმეს თავს დასხმოდა და რაც მთავარია, მის ხელში იარაღი არასდროს გვინახავსო. ოთახის დათვალიერების შემდეგ, უბნის რწმუნებულმა დარწმუნდა, რომ იქ იარაღს კი არა, ნემსს ვერ დამალავდა კაცი, რადგან რკინის ორი ლოგინის, კარებმონგრეული ტუმბოსა და სამი სკამის მეტი, არაფერი იდგა.

გამომძიებელმა მონაწილე ახლიდან დაჰკითხა, მაგრამ მან იგივე გაიმეორა და რაც მთავარია, დეტალები არ ეშლებოდა, არ ერეოდა. აი, თავდამსხმელი რომ ამბობდა, ორი კაცი დამხვდა საცემრადო, მონაწილე უარყოფდა, მარტო ვიყავი, არავინ მახლდაო, ანუ ერთ-ერთი აშკარად ტყუოდა, მაგრამ რომელი და რატომ? დაზარალებული ანუ მთავარი მონაწილე, პროფესიით სანტექნიკოსი იყო, წარსულში არც ნასამართლევი გახლდათ, არც კანონთან ჰქონია რამე პრობლემა, ზუსტად ისე, როგორც ეჭვმიტანილს. მათ არც გასაყოფი უნდა ჰქონოდათ რამე და მაშინ, როცა ძიება თავს იმტვრევდა, ექსპერტიზის დასკვნა მოვიდა. იარაღი, რომელიც თავდამსხმელის ხელში ნახეს, სხვა საქმეშიც გა-

დაქირავებული დამნაშავე



რისთვის გადაუხადა სასიდედრომ სანტექნიკოსს სამი ათასი და რა შეცდომა დაუშვა მამაკაცმა

დიოდა – ორი წლის წინ, იმ იარაღით ერთ-ერთ სოფელში, 60 წლამდე კაცი მოკლეს. შემთხვევა ძალიან უცნაურად მოხდა, სოფლის მკვიდრის გასვენება იყო, ამ დროს, ვიღაცამ გაისროლა და მოხუცი წაიქცა, მისი გადარჩენა კი ვერ შეძლეს. ტყვიამ ბარძაყზე არტერია გაუგლიჯა და სანამ სასწრაფო მოვიდა, კაცი სისხლისგან დაიცალა.

ამ ინფორმაციამ გამოძიებას იმედი მისცა, რადგან... თავდასხმაში ეჭვმიტანილი სწორედ იმ სოფლიდან იყო, სადაც დანაშაული მოხდა, გარდაცვლილიც ენათესავებოდა და ისიც გაირკვა, რომ გასვენებაში იმყოფებოდა. როცა გამოძიებელმა მას ძველი ამბავი გაახსენა, ბიჭმა დაადასტურა, კი, გასვენებაში ვიყავი, სხვათა შორის, მაშინ იქ კაცი მოკლესო და ლამის კედლებზე გაიარა, როცა იმ კაცის მკვლელობაშიც დასდეს ბრალი, აქაოდა, იარაღი, რომელიც შენ გეჭირა, სწორედ იმ საქმეში გადიოდაო. ბიჭი ყოველნაირად ცდილობდა, საკუთარი უდანაშაულობა დაემტკიცებინა, მაგრამ ყველა სამხილი და რაც მთავარია, მონაწილე მის წინააღმდეგ იყო.

თუმცა მედელს მეორე მხარეც ჰქონდა – ძალოვნებს მოსვენებას არ აძლევდა გასროლილი ორ ტყვიას შორის არსებული დრო და რაც მთავარია მოტივი, რომელიც ეჭვმიტანილს აშკარად არ ჰქონდა. სამართალდამცავებმა გადანყვიტეს, მონაწილეს ცალკე ეთვალთვალათ და ბიჭისთვის, რომელიც ეჭვმიტანილთან ერთად ცხოვრობდა – ცალკე. ოთახის მეგობარი ახალგაზრდა გოგოს შეხვდა სკვერში, შემდეგ სახლში მიაცილა და ამბავიც იქ დაიწყო – გოგონას დედამ კვილი მორთო, ჩემს შვილს შეეშვი შე უსაქმურო, როდემდე უნდა გარჩინოს ამან შენ და მე კიდევ – ესო. გოგო ბიჭის მხარეს დადგა და ახალგაზრდა კაციც უხერხული ღიმილით გაეცალა იქაურობას. მალე, ბინიდან დედაც გამოვიდა და... საქმის მთავარ მონაწილეს შეხვდა.

„ეგ არის შენი პირობა? რაში გადაგიხადე ამდენი ფული? ის იდიოტი ისევე ჩემს შვილს დასდევს, ისევე მასთან ერთად არის. აბა, შევაშინებო, დავაჭერინებო, რომ შემპირდი? ახლავე ფული დამიბრუნე, ან ის ბიჭი მოაცილე“, – ქალი ლამის ყვიროდა, კაცი კი გაოცებით უმზერდა, მერე კი ჩუმად ჰკითხა – „რა ბიჭი, რის ბიჭი? ის ბიჭი დაჭერილია, მკვლელობის მცდელობის ბრალდება აქვს და კიდევ რაღაც საქმე ამოუქექეს, ხომ არ გეშლება, შენს შვილს, ეგებ, სხვა უყვარს? როგორც მითხარი, მწვანე სპორტულებით ახალგაზრდა კაცი, საერთო საცხოვრებელთან ეგ იყო და გავაკეთე ის, რაც უნდა გამეკეთებინა“...

სამართალდამცავებმა კვლავ დაკავებული დაჰკითხეს და მან გულუბრყვილოდ აღიარა, ჩემი ტანსაცმელი გავრეცხე და სანამ ოთახის მეგობარი შინ დაბრუნდებოდა, მისი მწვანე სპორტულები ჩავიცვი და გარეთ ისე გავდელო.

ცხადი გახდა, რომ თავდამსხმელს მსხვერპლი შეეშალა და ისიც ნათელი იყო, რომ ბიჭს ყველაფერი მოუწყვეს, თუმცა ძალოვნებმა იცოდნენ, რომ საქმე მხოლოდ შეცდომაში არ იყო, მათ ხელთ ჰქონდათ იარაღი, რომლითაც რამდენიმე წლის წინ, მკვლელობა მოხდა, იმ იარაღის მფლობელისთვის უნდა მიეგნოთ და საქმე გაეხსნათ. ამიტომ, მონაწილე კვლავ დასაკითხად დაიბარეს და... ბორკილები დაადეს.

„ბიჭი ვცემე, მაგას ვაღიარებ, მაგრამ მკვლელობას არ შევიტენი. ეგ იარაღი ჩემმა ნაცნობმა მომყიდა და ამ საქმისთვის მჭირდებოდა, მინდოდა, ჩხუბისთვის თუ არა, იარაღისთვის მაინც ჩაესვათ ციხეში ის ბიჭი. ახლა ვხვდები, რომ მსხვერპლი ამერია და სხვას გაუფრიალჩე“, – განაცხადა მონაწილემ მთავარ ეჭვმიტანილზე გადაკვალიფიცირებულმა პირმა.

მისი ნაცნობი, რომელმაც იარაღი გაყიდა, მალე დააკავეს და მკვლელობაც მარტივად დაუმტკიცეს. ისიც იმავე სოფლიდან აღმოჩნდა, რომლიდანაც ნაცემი ბიჭი და როგორც თავად თქვა, სასაფლაოზე იარაღი შემთხვევით გაუვარდა, მერე კი ისე, რომ არავისთვის არაფერი უთქვამს, თბილისში წამოვიდა და თანასოფელის სიკვდილის ამბავი რომ გაიგო, იარაღი საგულდაგულოდ გადაამალა, ახლა კი, ფული დასჭირდა და გამოაჩინა. არ გაყიდა, მის მეგობრს რომ არ ეთქვა, მხოლოდ შესაშინებლად მინდა, მერე გადავადებო. ყველაფერი კი ძალიან მარტივი დაგვიმთხილა გახლდათ.

მოკლედ, გოგონას დედამ გადანყვიტა, არასასურველი სასიძო მოეშორებინა, ამიტომ ნაცნობ სანტექნიკოსს გაურჩადა, შენ ეგ ბიჭი შემშიშინე, გალახე და სამი ათას მანეთს მოგცემო. სანტექნიკოსმაც მარტივი დავალების შესრულების ნაცვლად, მთელი კომბინაცია მოიფიქრა, იარაღის ჩადებითა და საქმის ისე შეტრიალებით, რომ ბიჭი ციხეში უნდა მოხვედრილიყო, მაგრამ მსხვერპლი აერია და ყველაფერი ამის შემდეგ დაიწყო. საბოლოო ჯამში, ძიებამ სიმართლე დაადგინა, თუმცა...

მას შემდეგ, რაც გოგონამ სიმართლე გაიგო, ნაცვლად იმისა, რომ დედას დამდურებოდა, შეყვარებულს დაშორდა, რადგან მიხვდა, მშობელი თავს ასე არ გადადებდა შვილი ბიჭისგან რომ დაეხსნა, თუ უფრო სერიოზული მოტივი არ ექნებოდა. მართლაც, მერე გაირკვა, რომ ბიჭს, რომელიც გოგოს სიყვარულს ეფიცებოდა, საცოლე ჰყავდა და გოგოსგან მხოლოდ გარკვეული თანხის წამოღება სურდა, რომლითაც... საცოლისთვის, დაბადების დღეზე, ბრილიანტის ბეჭედი უნდა ეყიდა და ხელი ეთხოვა. სამართალდამცავები ამბობდნენ, ეს ჭორის დონეზე გავიგეთ და აღარ ჩავძიებულვართ, რადგან კრიმინალის ნიშნები არ იყო.

ასაკოვანმა ქალბატონმა პოლიციის განყოფილებაში დარეკა, ჩემი კარის მეზობლის ბინიდან კვამლი გამოდის, კარი რკინისაა, ვერ ვამტვრევ და, ეგებ, მიშველოთო. სამართალდამცავები და ექიმები ადგილზე ერთდროულად მივიდნენ და იმის გათვალისწინებით, რომ კარის საკეტის გატეხვა დიდ დროს წაიღებდა, ბინაში სახურავიდან, თოკით ჩავიდნენ და კარი შიგნიდან გახსნეს. ბინაში შესულებს უცნაური სურათი დახვდათ – სამზარეულოს შესასვლელთან, მეტლახზე რკინის თასი იდგა, აი, ისეთი, მურაბებს რომ ხარშავენ ხოლმე, თასში რაღაც ნაჭრები ეყარა, რომელიც ბოლავდა და ბინაში კვამლი იდგა. მაშინვე ფანჯრები გამოაღეს და იქვე, დივანზე მისვენებული მოხუცი ქალი დაინახეს. უბნის რწმუნებულმა დახედა და ჩუმად თქვა, მგონი, მკვდარიაო, რის შემდეგაც ექიმებს დამატებითი საქმე გაუჩნდათ – ქალი, რომელმაც პოლიციაში დარეკა, უგონოდ დაეცა, გული წაუვიდა. ექიმები დატრიალდნენ, ორივე საავადმყოფოში გააქანეს და დღის ბოლოს უკვე იცოდნენ, რომ ორივე გადარჩებოდა. კვამლით გაგუდული ქალი აზრზე მალე მოვიდა, მის დაქალს კი გულის შეტევა ჰქონდა.

„მესმის, ჩვენმა მეზობელმა რომ ასე განიცადა. ისინი ხომ ბალიდან ერთად მოდიან, სკოლა, სასწავლებელი... სამსახურიც კი ერთად ჰქონდათ, პენსიაზეც ერთ წელს გავიდნენ. ბედმა ისე იწეა, რომ მას შვილი არ ეყოლა, მეც, დედაჩემისთვის ერთადერთი ვარ და ორივე დედასავით მივიღე“, – განაცხადა კვამლით გაგუდულის ქალიშვილმა, როცა სამართალდამცავებმა მის დასაკითხად მოიცალეს.

სამაგიეროდ, გოგონას წარმოდგენა არ ჰქონდა, ვის შეიძლებოდა, დედამისის სიკვდილი მოსურვებოდა. სისულელეა იმაზე ფიქრო, რომ ვინმეს ბინის გამო მოეკლა, ერთადერთი შვილი ვარ, შესაბამისად, ერთადერთი მემკვიდრე. მეუღლესთან ერთად, გარეუბანში კი ვცხოვრობ, მაგრამ ოროთახიანი ბინა გვაქვს, შვილი ჯერჯერობით არ გვეყოლა, მაგრამ თავს ბედნიერად ვგრძნობთო.

ექსპერტიზის დასკვნით, ყველაფერი ისე იყო მოწყობილი, რომ თასში ჩანცობილ ბამბის ნაჭერს ბოლი უნდა გაეშვა და ცეცხლი არ წაჰკიდებოდა. დაბლა მშრალი ნაჭრები ეყარა, ზემოდან სველი ეწყო და ბამბაც ბოლავდა და ბოლავდა. კარი კი, გასაღებით იყო გაღებული და ახლა საინტერესო ის გახლდათ, ვის ჰქონდა გასაღები.

„გასაღები მე, ჩემს მეუღლეს, მეზობელს და ჩვენს შორეულ ნათესავს აქვს. სხვათა შორის, ის გოგონა დედას უვლიდა, ამისთვის ხელფასს ვუხდიდით, მაგრამ არ ვიცი, სად გაქრა“, – გაიხსენა ნათესავი დაზარალებულის შვილმა.

როგორც გაირკვა, ნათესავი გოგო მართლაც მათთან ცხოვრობდა და სანამ აღნიშნული შემთხვევა მოხდებოდა, დიასახლისს დაუბარა, მაღაზიაში წავალო და... გაქრა. რაც მთავარია, მისი კუთვნილი გასაღები მაგიდაზე იდო ანუ მას გასაღები თან არ წაუღია, შესაბამისად, ვერც გარედან ჩაკეტავდა კარს, მაგრამ საინტერესო იყო, სად წავიდა, რისთვის წავიდა და რატომ არ გამოჩნდა მას შემდეგ, რაც მოხდა? მასზე ძებნა გამოცხადდა და... მესამე დღეს მიაგნეს. როგორც გაირკვა, გოგო, რომელიც სოფლიდან იყო ჩამოსული, თანასოფელმა ცოლად მოყვანის მიზნით მოიტაცა და რადგან წინააღმდეგი არც გოგო იყო, სისხლის სამართლის საქმე არ აღძრულა. დასაკითხი სიძე და მეზობელი დარჩა, თუმცა მეზობელმა ძალიან მარტივად თქვა, მე გასაღები ორი კვირის წინ დაგვარე და ეს ყველამ იცისო. აი, სიძეს რაც შეეხება, ოფიციალურად, ის მივიღინებთ სხვა ქალაქში იმყოფებოდა, მაგრამ...

„არანაირი მივლინება არ მქონია. ჩემი მეუღლე ჩემზე 10 წლით უფროსია, მე 37 წლის ვარ, ის – 47-ის, რაც იმას ნიშნავს, რომ შვილის ყოლის შანსი პრაქტიკულად განულებულია. ორი წლის წინ, ახალგაზრდა გოგონა გავიცანი, შემიყვარდა და ჩვენი შვილი ერთი თვის არის. სწორედ მასთან ვიყავი მაშინ, როცა თითქოს მივიღინებამი გახლდით, სახლიდან არ გამოვსულვარ, მთელი დღეები ჩემს პრინციპებთან გავატარე. არ მაინტერესებს,

კარგი მეზობელი შორეულ ნათესავს სჯობსო, ხომ გაგიგიათ? კარგი მეზობლობა, განსაკუთრებით საქართველოში, ახალი ხილი არაა და არცთუ იშვიათად ყოფილა, რომ მეზობლები ერთმანეთს ნათელ-მირონით დანათესავებინან, მაგრამ... ყოფილა შემთხვევები, როცა მეზობლები სამკვდრო-სასიცოცხლოდაც წაჰკიდებინან ერთმანეთს და საქმე ხშირად სასამართლომდე მისულა. ამის მიზეზი, შესაძლოა, ბევრი იყოს, მაგრამ არცთუ იშვიათად – იმდენად უმნიშვნელო და ბანალური, რომ სათქმელადაც არ ღირს. ისტორიას, რომელსაც ახლა გვიამბობთ, წესითა და რიგით, სისხლის სამართლის დამნაშავე უნდა ჰყოლოდა, მაგრამ...

როგორ იძია ქალმა დაქალზე შური, როგელის ქმრის წართმევას ცდილობდა



მოულოდნელად გახსნილი დანაშაული და ბრალდებულის აღიარება

ვინ დააპირა სიდედრის მოკვლა, მასთან ურთიერთობა არ მაქვს და ცოლსაც მალე გავშორდები. ეს მანაც იცის და ვერ გეტყვით, ეგებ, ყველაფერი ეს თავად მოაწყო, ჩემზე რამე ეჭვი რომ გაჩენილიყო“, – განაცხადა დაზარალებულის სიძემ.

სამართალდამცავებმა გადაამოწმეს და გაარკვიეს, რომ მას მართლაც ჰყავდა ცოლ-შვილი, რომ მართლაც აპირებდა ცოლთან დაშორებას. ამის შესახებ მისმა მეუღლემ იცოდა და თითქოს, ბედსაც შეგუებული იყო, მაგრამ იმას ვერ იხილებდა, რომ გავიცანი, გამოხეული შარვლით დადიოდა, კაცად მე ვაქციე და ახლა გაახსენდა, რომ მასზე უფროსი ვარო. ოჯახური საქმეების გარკვევა და გარჩევა სამართალდამცავების საქმე არ იყო, მათ ის პირი უნდა მოეძებნათ, ვინც მოხუცი ქალი სასიკვდილოდ გაიმეტა, მაგრამ... მოტივი თითქოს არავის ჰქონდა და მოტივის გარეშე, ასეთი ქმედება გამორიცხული გახლდათ. თანაც, ყველაფერი კარგად იყო დაგეგმილი და რომ არა მეზობელი, რომელმაც ბინიდან გამოსული კვამლი დაინახა და განგაში ატეხა, დამნაშავე საწადელს აუცილებლად მიაღწევდა.

ამასობაში, დაზარალებულმა ძალოვნებს უთხრა, რომ კარგად ხვდებოდა, სიძეს მის ქალიშვილზე გული რომ ჰქონდა აცრუებული, თუმცა დაახლოებით, ერთი თვის წინ, შეადგინა ანდერძი, რომლის მიხედვითაც, ბინას სწორედ სიძეს უტოვებდა და ამის შესახებ სიძისთვის თქმას საზეიმო ვითარებაში აპირებდა. ეს კი, აშკარად ხელჩასაჭიდი რამ იყო. თუ სიძემ საიდანღაც იცოდა ანდერძის შესახებ, მოხუცის სიკვდილი მას ძალიანაც აწყობდა, თანაც იმის მოწმე, რომ მთელი სამი დღე მეორე ცოლ-შვილთან გაატარა, მხოლოდ მისი ბავშვის დედა იყო, რომელიც შესაძლოა მომავალ ქმარს ხელს აფარებდა. სიძე დაკითხვაზე მეორედ დაიბარეს.

„რას ამბობთ? ბინას მე მიტოვებდა? არა, მაგათი არაფერი მინდა, არც ბინა. არ ვიცოდი ამის შესახებ და რომც მცოდნოდა, უარს ვეტყვოდი. მაგ ოჯახთან ყველანაირი ურთიერთობის განწყვეტა მინდა და ეს იცინა. მე ჩემს ცოლ-შვილთან ვიყავი და სურვილი არ მქონდა სიდედრი

მენახა და მასთან სტუმრადაც კი, ბოლოს, ალბათ, რვა თვის წინ მივედი“, – ამბობდა სიძე.

მისი მხრიდან, შესაძლოა, ეს თავის დაძვრენის კარგი ხერხი ყოფილიყო, მკვლელობა არ გამოუვიდა და ახლა თითქოს არ აინტერესებდა ბინა, მაგრამ ისიც ხომ ფაქტი იყო, რომ მან ანდერძის შესახებ არაფერი იცოდა? გამოძიება ისე თავს იმტვრევდა, როცა ყველაფერი ძალიან, ძალიან მარტივად გაირკვა. განყოფილებაში საავადმყოფოდან გამონერილი მეზობელი მივიდა, ჯერ კარგა ხანს იტირა, მერე კი სკამზე კარგად მოკალათდა და დაიწყო:

„ჩემს მეზობელს დისგან არ ვარჩევდი. მართლა, მთელი ცხოვრება ერთად ვართ, ერთად გადავიტანეთ მშობლების სიკვდილი, მერე – მეუღლეების გარდაცვალება და ახლა, ერთი თვის წინ მიტხრა, რომ ჩემს ქმართან ურთიერთობა ორჯერ ჰქონდა. მეტიც, მისი ერთადერთი შვილიც ჩემი ქმრისგან ეყოლა. ასე მიტხრა, არ მინდა, ეს საიდუმლო საფლაგში წავიღო, უკვე ისეთ ასაკში ვართ, გაბრაზებასაც აზრი არ აქვსო და მიტხრა. კინაღამ გული გამისკდა, ეს ჩემთვის უდიდესი შეურაცხყოფა იყო, მაგრამ რა უნდა მექნა? ბრაზი გულში ჩავიბრუნე, მაგრამ ღამეები არ მეძინა. იმ დღეს შევედი, რაღაც მინდოდა მეთქვა, კარი ღია იყო... გასაღები არ დამიკარგავს, კი ვუთხარი, დაეკარგე-მეთქი, მაგრამ მერე ვიპოვე, სახლში მქონია. ეძინა და მაშინ გადავწყვიტე, მომეკლა. თასი მე გავამზადე, ცეცხლიც მე წაუუკიდე და მშვიდად გავედი სახლში, მაგრამ მალევე მივხვდი, რომ ვერ მოვკლავდი, ამიტომ პოლიციაში დავრეკე. რატომ არ გავაღე კარი? მეგონა, უკვე მკვდარი იქნებოდა და ვერ გავრისკე. ახლა კი... ახლა არაფერს არ აქვს აზრი, ამ ტვირთით ვერ ვიცხოვრებ, მზად ვარ, სასჯელი მივიღო“, – განაცხადა მოხუცმა.

სამართალდამცავებმა ერთმანეთს გადახედეს და არ იცოდნენ, რა ექნათ. ყველაფერი მარტივად დალაგდა. დაზარალებულმა ბავშვობის მეგობარს ყველაფერი აპატია, ისინი შერიგდნენ და დაქალბა გააგრძელეს, მათი შვილისთვის ბევრი არაფერი შეცვლილა, ისედაც ორივეს დედასავით უყურებდა. აი, ქმარი კი... ქმარი მალე დაშორდა და საცხოვრებლად მეორე ცოლ-შვილთან გადავიდა.

დიდი ბრიტანეთის სამეფო საზღვაო ფლოტის საზღვაო ქვეითთა სარდლობის ინსტრუქტორებმა სასაზღვრო პოლიციის თანამშრომლებს სპეციალური სწავლება ჩაუბარეს



შინაგან საქმეთა სამინისტროს სასაზღვრო პოლიციის სანაპირო დაცვის დეპარტამენტის კანონალურულებსა და საზღვაო უსაფრთხოების ტაქტიკური განყოფილებების 14 და სწრაფი რეაგირების მთავარი სამმართველოს 16 მოსამსახურეს, საქართველოს სასაზღვრო პოლიციის სანაპირო დაცვის ფოტის ბაზაზე სპეციალური სწავლება ჩაუტარდა.

სწავლება დიდი ბრიტანეთის სამეფო საზღვაო ფლოტის საზღვაო ქვეითთა სარდლობის სპეციალური დანიშნულების ქვედანაყოფის (42 CDO) ინსტრუქტორების ორგანიზებით განხორციელდა.

სწავლება მოიცავდა: დანაყოფის საბრძოლო მედიკოსის ტრენინგს, აბორდაჟის პროცედურების ჩატარებას განსხვავებული ხილვადობის პირობებში, ახლო დისტანციაზე ბრძოლის ტაქტიკურ მანევრებს და საცეცხლე მომზადებას. კურსის მონაწილეებს თეორიული საკითხების პრაქტიკაში განხორციელების საშუალებაც ჰქონდათ.

სწავლების დასასრულს, ტრენინგში მონაწილე პირადი შემადგენლობის შესაბამისი სერტიფიკატებით დაჯილდოების ცერემონია გაიმართა, რომელშიც მონაწილეობა მიიღეს ბრიტანეთის ელჩმა საქართველოში მარტ კლეიტონმა, ბრიტანეთის თავდაცვის ატაშემ საქართველოში, სომხეთსა და აზერბაიჯანში, სტივ ქუანთრილმა, სასაზღვრო პოლიციის სანაპირო დაცვის დეპარტამენტის დირექტორმა რამაზ პაპიძემ და სწრაფი რეაგირების მთავარი სამმართველოს ხელმძღვანელმა პირებმა.

აღნიშნული სწავლება რიგით მეორედ ტარდება საქართველოში, რომელიც ითვალისწინებს გამოცდილების გაზიარებასა და სწავლებაში ჩართული ქვედანაყოფების მოსამსახურეთა ტაქტიკური შესაძლებლობების გაზრდა-განვითარებას.



პოლიციამ ჯანმრთელობის განზრახ ნაკლებად მძიმე დაზიანებისა და მუქარის ბრალდებით ერთი პირი დააკავა

თბილისის პოლიციის დეპარტამენტის ისანი-სამგორის მთავარი სამმართველოს თანამშრომლებმა, ჩატარებული ოპერატიულ-სამძებრო ღონისძიებებისა და საგამოძიებო მოქმედებების შედეგად, წარსულში ნასამართლევი, 1991 წელს დაბადებული ა.ა. ჯანმრთელობის განზრახ ნაკლებად მძიმე დაზიანებისა და მუქარის ბრალდებით, მოსამართლის განჩინების საფუძველზე დააკავეს.

დანაშაული 4 წლამდე ვადით თავისუფლების აღკვეთას ითვალისწინებს. გამოძიებით დადგინდა, რომ სოფელ ფონიჭალაში, 1983 წელს დაბადებულ ვ.კ.-ს სიცოცხლის მოსპობით ემუქრებოდა ა.ა. მიმდინარე წლის 21 აპრილს, ბრალდებულსა და ვ.კ.-ს შორის დაწყებული ურთიერთშელაპარაკება გადაიზარდა ფიზიკურ დაპირისპირებაში, რა დროსაც ჯანმრთელობის დაზიანება მიიღო ვ.კ.-მ. გამოძიება საქართველოს სისხლის სამართლის კოდექსის 118-ე და 151-ე მუხლით მიმდინარეობს.

სასაზღვრო პოლიციის უფროსი ნიკოლოზ შარაძე სამუშაო ვიზიტით სომხეთის რესპუბლიკაში იმყოფებოდა

შინაგან საქმეთა სამინისტროს სასაზღვრო პოლიციის უფროსი, გენერალ-მაიორი ნიკოლოზ შარაძე, დელეგაციასთან ერთად, სამუშაო ვიზიტით სომხეთის რესპუბლიკაში იმყოფებოდა.

ნიკოლოზ შარაძე, დელეგაციის წევრებთან ერთად, სომხეთის რესპუბლიკის ეროვნული უშიშროების სამსახურის სასაზღვრო ჯარების ხელმძღვანელობას შეხვდა. სასაზღვრო ჯარებში გამართული ორმხრივი შეხვედრის დროს მხარეებმა განიხილეს საზღვრის დაცვის და სასაზღვრო უსაფრთხოების უზრუნველყოფის საკითხები.

ვიზიტის ფარგლებში ქართულ დელეგაციას დაათვალიერებინეს და გააცნეს სასაზღვრო ჯარების სხვადასხვა დანაყოფის საქმიანობა.

სომხეთის რესპუბლიკაში ვიზიტისას სასაზღვრო პოლიციის უფროსს, გენერალ-მაიორ ნიკოლოზ შარაძეს უწყებებს შორის თანამშრომლობის განვითარებაში შეტანილი წვლილისთვის მედალი თანამშრომლობისთვის გადაეცა.



პოლიციამ გურიაში მომხდარი ქურდობის ფაქტები გახსნა – დააკავებულა ორი პირი

შინაგან საქმეთა სამინისტროს გურიის პოლიციის დეპარტამენტის, ოზურგეთის, ლანჩხუთისა და ჩოხატაურის რაიონული სამმართველოების თანამშრომლებმა, ერთობლივად ჩატარებული ოპერატიულ-სამძებრო ღონისძიებებისა და საგამოძიებო მოქმედებების შედეგად, ქურდობის ბრალდებით, წარსულში ნასამართლევი და ამჟამად პირობითი მსჯავრის ქვეშ მყოფი ორი პირი – 1988 წელს დაბადებული მ.მ. და 2000 წელს დაბადებული ზ.მ. დააკავეს. დანაშაული 4- და 7 წლამდე ვადით თავისუფლების აღკვეთას ითვალისწინებს.

გამოძიებით დადგინდა, რომ ბრალდებულებმა სხვადასხვა დროს, უკანონოდ შეაღწიეს მოქალაქეების კუთვნილ ათამდე საცხოვრებელ სახლში, საიდანაც მართლასაწინააღმდეგოდ დაეუფლნენ საყოფაცხოვრებო და სამეურნეო ნივთებს. საქმეზე ჩატარებული საგამოძიებო მოქმედებებისა და ოპერატიული ღონისძიებების შედეგად, პოლიციამ მ.მ. და ზ.მ. ბრალდებულის სახით დააკავა.

სამართალდამცველების მიერ ნივთმტკიცებად ამოღებულია მოპარული ნივთები. გამოძიება საქართველოს სისხლის სამართლის კოდექსის 177-ე მუხლის მე-3 ნაწილის „ა“, „ბ“ და „გ“ ქვეპუნქტით მიმდინარეობს, რაც ჯგუფის მიერ, წინასწარი შეთანხმებით არაერთგზის, ბინაში უკანონოდ შეღწევით ჩადენილ ქურდობას გულისხმობს.

პოლიციამ ქვემო ქართლში მომხდარი განზრახ მკვლელობის ფაქტი ცხელ კვალზე გახსნა – დააკავებულა ერთი პირი

შინაგან საქმეთა სამინისტროს ქვემო ქართლის პოლიციის დეპარტამენტის თანამშრომლებმა, ცხელ კვალზე ჩატარებული ოპერატიულ-სამძებრო ღონისძიებებისა და საგამოძიებო მოქმედებების შედეგად, 1984 წელს დაბადებული დ.ა. განზრახ მკვლელობის ბრალდებით დააკავეს.

დანაშაული 10-დან 15 წლამდე ვადით თავისუფლების აღკვეთას ითვალისწინებს. გამოძიებით დადგინდა, რომ ბრალდებულმა, გარდაბნის მუნიციპალიტეტის სოფელ ზემო თელეთში, ურთიერთშელაპარაკებისას, თანასოფელელს, 1988 წელს დაბადებულ დ.კ.-ს, ცივი იარაღის გამოყენებით სხეულზე ჭრილობები მიაყენა და შემთხვევის ადგილიდან მიიშალა. დაჭრილი მამაკაცი სამედიცინო დაწესებულებაში გარდაიცვალა.

სამართალდამცველებმა დ.ა. ცხელ კვალზე, ბრალდებულის სახით დააკავეს. განზრახ მკვლელობის ფაქტზე გამოძიება სისხლის სამართლის კოდექსის 108-ე მუხლით მიმდინარეობს.

პოლიციამ ბათუმში ჯგუფურად ჩადენილი გამოძალვის ბრალდებით ორი პირი დააკავა

შინაგან საქმეთა სამინისტროს აჭარის პოლიციის დეპარტამენტის ბათუმის საქალაქო სამმართველოს თანამშრომლებმა, ჩატარებული ოპერატიული ღონისძიებებისა და საგამოძიებო მოქმედებების შედეგად, უცხო ქვეყნის მოქალაქეები: 1975 წელს დაბადებული ს.რ. და 1976 წელს დაბადებული ჰ.ე. დააკავეს.

მათ ბრალად ედებათ, დიდი ოდენობით ქონების მიღების მიზნით, ჯგუფურად ჩადენილი გამოძალვა. დანაშაული 4-დან 7 წლამდე ვადით თავისუფლების აღკვეთას ითვალისწინებს. გამოძიებით დადგინდა, რომ ბრალდებულებმა, რომლებიც ბათუმში მდებარე ერთ-ერთ კაფე-ბარში მუშაობდნენ, ძალადობის გამოყენებითა და სიცოცხლის მოსპობის მუქარით, ამავე კაფე-ბარის სტუმრებს, უცხო ქვეყნის მოქალაქეებს, მათი შეკვეთისთვის შეუსაბამოდ დიდი თანხა - 267 000 თურქული ლირა და 5 700 ლარი გამოსძალეს. სამართალდამცველებმა ს.რ. და ჰ.ე. ბრალდებულის სახით დააკავეს. დიდი ოდენობით ქონების მიღების მიზნით ჩადენილი გამოძალვის ფაქტზე გამოძიება სისხლის სამართლის კოდექსის 181-ე მუხლის მე-2 ნაწილით მიმდინარეობს.

ფინალის სინდრომი ანუ ბოლოს რაღაც გვაკლია

ხორვატიის დედაქალაქ ზაგრებში, ძიუდოსტა შორის, ევროპის ჩემპიონატი დასრულდა. ერთი შეხედვით, ეს ტურნირი, საქართველოს ნაკრებისთვის ნარმატებულად უნდა ჩავთვალოთ, რადგან საერთო ჯამში, ჩვენმა გუნდმა შვიდი მედალი მოიპოვა და არაოფიციალურ გუნდურ ჩათვლაში პირველი ადგილი დაიკავა, მაგრამ...

ჯერ ოქროს მედალოსნებზე ვთქვათ. ხანგრძლივი პაუზის შემდეგ, ევროპის ჩემპიონატი კვლავ მოიგო ვაჟა მარგველაშვილმა და ვალიაროთ, რომ მას აღნიშნული გამარჯვება, ზედ ოლიმპიადის წინ, ძალიან, ძალიან ნაადგება. მოლოდინი გაამართლა ტატო გრიგალაშვილმა, რომელმაც ოქროს მედალი ერთი ამოსუნთქვით მოიგო და თუ ოლიმპიადაზე ვინმესგან გარანტირებულ ოქროს მედალს ველით, ეს სწორედ გრიგალაშვილია. ბრინჯაოს მედლისთვის იჭიდავა და გაიმარჯვა ეთერ ლიპარტელიანმა. ყველაზე ტიტულოვანი ქართველი ძიუდოსტისთვის სტაბილურობა ძალიან კარგია და ოლიმპიადაზე მისგან სამეულში შესვლას ველოდებით, ტურნირის ბოლო დღეს კი...

ველოდებოდით, რომ -90, -100 და +100 კილოში, ჩვენი ბიჭები ოქროსთვის იბრძოლებდნენ და თითქმის ასეც მოხდა: -100-სა და +100-ში, ილია სულამანიძე და გურამ თუშიშვილი ფინალში გავიდნენ, მოქმედმა ოლიმპიურმა ჩემპიონმა, ლაშა ბექაურმა კი მოულოდ-



ნელი მარცხი განიცადა და ბრინჯაოს მედლისთვის იბრძოლა. პრინციპში, რაღა იბრძოლა, დამაჯერებლად მოიგო კიდეც, აი, ფინალები კი...

სულამანიძემ მატვეი კანიკოვსკისთან წააგო, თუშიშვილმა - ინალ ტასოვეთან და მაშინვე გასული ოლიმპიადა გაგვახსენდა, როცა საქართველოს ძიუდოსტთა ნაკრების წევრებიდან, ფინალამდე ოთხი მივიდა, ოქროს კი მხოლოდ ერთმა მოიპოვა. ჰოდა, ამიტომ ვეჭვობთ, გადამწყვეტ შეხვედრებში რაღაც გვჭირს და ეს ახალი სენი არაა. გავიხსენოთ ვარლამ ლიპარტელიანი, ნაკრების კაპიტანი, რომელიც დიდი სპორტიდან ერთი თვის წინ წავიდა - ორჯერ მსოფლიოს ჩემპიონატის ფინალი წააგო, ერთხელ - ოლიმპიადის და მართალია, ევროპის ჩემპიონის სამი ოქროს მედალი აქვს, მაგრამ სამი ოქროს პარალელურად, ოთხი ფინალი აქვს წაგებული.

ჰოდა, ნაკრების თავკაცებს სწორედ ამ მიმართულებით მართებთ მუშაობა. გვჯერა, ოლიმპიადამდე, ლაშა გუჯეჯიანი ამ პრობლემას მოაგვარებს და ბიჭებს მეტ თავდაჯერებულობას შემატებს.

ტურნირის ბოლო დღეს, გუნდური შეჯიბრი გაიმართა და საქართველოს ნაკრები ფინალში გავიდა, თუმცა... საფრანგეთთან უმანსოდ - 0:4 წააგო და ვერცხლის მედალს დასჯერდა. სამაგიეროდ, ზაგრებში, 2023 წლის საუკეთესოთა დაჯილდოვების ცერემონიალი გაიმართა და გასული წლის საუკეთესო ძიუდოსტად ტატო გრიგალაშვილი დასახელდა, წლის საუკეთესო ახალგაზრდა ძიუდოსტად - შალვა გურეშიძე, წლის ნაკრებად - საქართველოს ვაჟთა და ქალთა შერეული ნაკრები, რაც ქართული ძიუდოსთვის ძალიან, ძალიან დიდი აღიარებაა.



კვარაცხელია „ნაპოლის“ მარტო მიათრევს, ბუდუ საუკეთესო იყო, მიქაუტაძეს ვერ აჩერებენ

იტალიის ჩემპიონატის 34-ე ტურში, ხვიჩა კვარაცხელიას „ნაპოლიმ“ დედაქალაქურ „რომას“ უმასპინლა. თუ მასპინძლები ამ შეხვედრას ვერ მოიგებდნენ, ჩემპიონთა ლიგის საგზურს ოფიციალურად დაემშვიდობებოდნენ და ამიტომაც იყო, ფეხბურთელები თავგანწირვით რომ იბრძდნენ. თავის მხრივ, „რომას“ მარცხი არ აწყობდა, რადგან საჩემპიონთალიგო ზონაში თავადაც არის და იქიდან გამოსვლა ცოცხალი თავით არ უნდა.

შეხვედრა ფრედ - 2:2 დასრულდა და შეგვიძლია, თამამად ვთქვათ, რომ „ნაპოლი“ მხოლოდ კვარაცხელიას იმედადაა. არანაირი ფანტაზია და უნარი იმისა, რომ მრავალფეროვნად შეუტოს, კალცონას გუნდს უბრალოდ არ გააჩნია. ხვიჩამ მოიპოვა პენალტიც, რომელიც ოსიმენმა გოლად აქცია და... მწვრთნელმა კვარაცხელიას შეცვალა, დაცვა გააძლიერა და ხვიჩას გასვლიდან 3 წუთში, დაისაჯა კიდეც. კიდეც ერთხელ ვიტყვით, რომ სეზონის ბოლოს, ქართველმა ეს გუნდი უნდა დატოვოს.

ზედიზედ მეოთხე შეხვედრაში გაიტანა გიორგი მიქაუტაძემ, მაგრამ მისმა გოლმა „მეცს“ ვერ უშველა და საკუთარ მოედანზე, „ლილთან“, 1:2 დამარცხდა. ამ გოლის შემდეგ, გიორგი ბომბარდირთა დავაში მეშვიდე ადგილამდე დაწინაურდა, მის გუნდს კი, დარჩენილ სამ შეხვედრაში, ორი მატჩის მოგება მაინც მართებს, უძლიერესთა ღირსი ადგილი რომ შეინარჩუნოს.

ბუდუ ზივზივადე, მცირე ავადმყოფობის შემდეგ, „კარლსრუეს“ დაუბრუნდა და „ნიურნბერგთან“ შეხვედრაში, 68-ე წუთამდე ითამაშა. ბუდუს გუნდმა მოიგო, ქართველი შემტევი კი ყველა სააგენტომ თუ გამოცემამ, მატჩის საუკეთესო ფეხბურთელად დაასახელა. მა-



რთალია, „კარლსრუე“ ბუნდესლიგაში დასაბრუნებელ ზონასთან მხოლოდ მიწის შვიდ ქულაშია, მაგრამ წელს ამის გაკეთება გაუჭირდება, რადგან ჩემპიონატის და-

სრულებამდე 3 ტურია დარჩენილი და სასწაული უნდა მოხდეს, ზივზივადე და მისმა თანაგუნდელებმა, უძლიერესთა შორის აღსაზევებელი საგზური რომ მოიპოვონ.

ხაზი დარჩა და კვარაცხელიას ითხოვს

კატალონიური „ბარსელონა“ წელს ტიტულის გარეშე დარჩა. გუნდი ჩემპიონთა ლიგიდან გამოვარდა, ესპანეთის ჩემპიონატში კი, საუკეთესო შემთხვევაში, მეორე ადგილზე თუ გავა, რადგან პირველადგილოსან მადრიდის „რეალთან“ სხვაობა ძალიან დიდია. ორიოდ თვის წინ, „ბარსას“ ლეგენდამ და ამჟამად მთავარმა მწვრთნელმა, ხავი ერნანდესმა განაცხადა, სეზონის დასრულების შემდეგ, გუნდიდან მივდივარო, მაგრამ ისე ჩანს, მას გადადგომა კლუბის პრეზიდენტმა, ხუან ლაპორტამ გადააფიქრებინა და დაპირდა, რომ მომავალი სეზონისთვის, გუნდი საკმარისად გაძლიერდება.

ჰოდა, ესპანური მედია წერს, ხავის მთავარი სამიზნე ხვია კვარაცხელიაა და მის დასამატებლად, ლაპორტა ყველაფერს გააკეთებსო. ოფიციალურად, კვარას ამჟამინდელი ფასი 80 მილიონი ევროა, რაც ერთი შეხედვით, ძვირი არ არის, მაგრამ საქმე ის გახლავთ, რომ უკვე მერამდენე წელია, კატალონიელებს სერიოზული ფუნანსური კრიზისი უდგათ და ქართველის ყიდვის შემთხვევაში, ვინმეს გაყიდვა მოუწევთ.

ისე, ინგლისური პრემიერლიგის გასულ ტურში, გუნდის ლიდერ მოჰამედ სალაჰსა და მთავარ მწვრთნელს, იურგენ კლოპს შორის შელაპარაკება მოხდა, რაც სე-



რიოზული განხილვის საგანი გახდა. სეზონის ბოლოს, კლოპი „ლივერპულიდან“ მიდის და დიდი შანსია, გუნდი სალაჰსაც დატოვოს. შესაბამისად, როცა სალაჰის



წასვლა ახსენეს, ჟურნალისტებმა მიანიშნეს, რომ ეგვიპტელის ადგილზე, იდეალური კანდიდატურა... ხვია კვარაცხელია იქნებოდა.

საქართველოს ნაკრები 156.9 მილიონი ლირს



ევროპის ჩემპიონატის დაწყებამდე ორ თვეზე ნაკლები დარჩა და რალა თქმა უნდა, შევეცდებით, საქართველოს ნაკრებზე მოგაწოდოთ ყველა ინფორმაცია, რომელიც კი ევროპულ სააგენტოებსა თუ პრესაში დაინერება. მოგეხსენებათ, საქართველო ევროპის ჩემპიონატის ერთადერთი დებიუტანტი და მას გამადიდებელი შუშით აკვირდებიან. გასულ კვირას, ნაკრებების საერთო ღირებულება გამოქვეყნდა ანუ რომელი ნაკრები რა ღირს და ფეხბურთელების ფასები ცალ-ცალკე იყო ჩაშლილი. ალბათ, გაინტერესებთ, რა თანხად აფასებენ ევროპელები ქართველ ფეხბურთელებს და, შესაბამისად, ნაკრებს:

- ხვია კვარაცხელია (ნაპოლი, იტალია) – 80 მილიონი ევრო;
- გიორგი მამარდაშვილი (ვალენსია, ესპანეთი) – 35 მილიონი;
- გიორგი მიქაუტაძე (მეცი, საფრანგეთი) – 9 მილიონი;

- ირაკლი აზაროვი (შახტარი, უკრაინა) – 3.5 მილიონი;
- ოთარ კიტეიშვილი (მტურში, ავსტრია) – 3 მილიონი;
- საბა საზონოვი (ტორინო, იტალია) – 3 მილიონი;
- გიორგი ჩაკვეტაძე (უოტფორდი, ინგლისი) – 2.5 მილიონი;
- ზურიკო დავითაშვილი (ბორდო, საფრანგეთი) – 2.5 მილიონი;
- გიორგი გოჩოლეიშვილი (შახტარი, უკრაინა) – 2.5 მილიონი;
- გაბრიელ სიგუა (ბაზელი, შვეიცარია) – 2.5 მილიონი;
- საბა ლობჯანიძე (ატალანტა, აშშ) – 2.0 მილიონი;
- გიორგი ქვილითაია (აპოელი, კვიპროსი) – 1.7 მილიონი;
- ლუკა ლოჩოშვილი (კრემონეზე, იტალია) – 1.2 მილიონი;
- გიორგი ქოჩორაშვილი (ლევანტე, ესპანეთი) – 1.0 მილიონი;

- ანზორ მექვაბიშვილი (უნივერსიტატეა, რუმინეთი) – 1.0 მილიონი;
 - გიორგი წიტიშვილი (დინამო ბათუმი) – 0.8 მილიონი;
 - ლაშა დვალა (აპოელი, კვიპროსი) – 0.75 მილიონი;
 - ლევან შენგელია (პანეტოლიკოსი, საბერძნეთი) – 0.75 მილიონი;
 - საბა კვიციანი (ალ ახდუდი, საუდის არაბეთი) – 0.7 მილიონი;
 - ბუდე ზივზივაძე (კარლსრუე, გერმანია) – 0.7 მილიონი;
 - ნიკა კვეციანი (ლენინ, პოლონეთი) – 0.6 მილიონი;
 - ლუკა გუგუშაშვილი (ყარაბაგი, აზერბაიჯანი) – 0.6 მილიონი;
 - ოთარ კაკაბაძე (კრაკოვია, პოლონეთი) – 0.5 მილიონი;
 - ჯაბა კანკავა (სლოვანი, სლოვაკეთი) – 0.3 მილიონი;
 - გურამ კაშია (სლოვანი, სლოვაკეთი) – 0.3 მილიონი;
 - გიორგი ლორია (დინამო თბილისი) – 0.1 მილიონი.
- ნაკრების ჯამური ღირებულება 156.9 მილიონი ევრო გახლავთ და ალბათ, საინტერესოა, რა ღირს ჩვენი ჯგუფის სხვა ნაკრებები. პორტუგალია 1.06 მილიარდ ევროდ შეფასდა, თურქეთი – 303.4 მილიონად, საქართველოზე უკვე გითხარით – 156.9 მილიონი ევრო, ჩეხეთი – 146.6 მილიონი ევრო.
- რაც შეეხება ჩვენი ჯგუფის ყველაზე ძვირადღირებული ფეხბურთელების ხუთეულს, ის ასე გამოიყურება:
- კრიშტიანუ რონალდუ (პორტუგალია) – 120 მილიონი ევრო;
 - ხვია კვარაცხელია (საქართველო) – 80 მილიონი ევრო;
 - ჰაკან ჩალჰანოღლუ (თურქეთი) – 40 მილიონი ევრო;
 - გიორგი მამარდაშვილი (საქართველო) – 35 მილიონი ევრო;
 - ტომას სოუზეკი (ჩეხეთი) – 35 მილიონი ევრო.

ირლანდია სანიტლს არ ეშვება

მოგეხსენებათ, საქართველოს ეროვნული ნაკრების მთავარ მწვრთნელს სამუშაოდ ირლანდიაში ეპატიჟებოდნენ. ირლანდიის ფეხბურთის ფედერაციის წარმომადგენლები დარწმუნებულები იყვნენ, რომ საქართველო პლეი-ოფს ვერ დაძლედა, ევროპის ჩემპიონატის ფინალურ ეტაპზე ვერ მოხვდებოდა და ფრანგ სპეციალისტს გაათავისუფლებდნენ, რის შემდეგაც ის, სწორედ ირლანდიის ნაკრებს ჩაიბარებდა. თუმცა, ყველაფერი ისე არ მოხდა, როგორც ირლანდიელებს ეგონათ – საქართველო ევროპაზე მოხვდა და სანიტლის გაშვებაზე საუბარიც კი არ დაწყებულა. ამის მიუხედავად, ირლანდია ახალი მთავარი მწვრთნელის დანიშვნას არ ჩქარობს და როგორც ამბობენ, ისინი ევროპის 2024 წლის ჩემპიონატის დასრულებას დაელოდებიან.

„საქართველო ევროპაზე ჩემპიონი ვერ გახდება, სანიტლის კი, ფედერაციასთან კონტრაქტი 2024 წლის ბოლომდე აქვს. ამიტომ, ვფიქრობთ, რომ ევრო-2024-ის შემდეგ, ის უმუშევარი იქნება და მოლაპარაკება არ გაგვიჭირდება“, – აცხადებენ ირლანდიის ფეხბურთის ფედერაციაში.



„მაგული, ენა, სარწმუნოება“ – ილია ჭავჭავაძის შებენიანი

მე-მ გვერდიდან

ღმერთა ყველას გონება და გული, სიკეთის შეძლება და-გვირიგა, ზოგს, მართალია, ცოტა, ზოგს ბევრი, მაგრამ ბევრს ბევრი მოეკითხება და ცოტას – ცოტა. იმისათვის კი არ დაგვირიგა, რომ იმ ზარმაც მონასავით კიღობანში, ან მინაში დაე-მალოთ, – იმისათვის, რომ ბევრი გაჭირვებული ქვეყანაზედ, უნდა გავცეთ, რომ მოვიგოთ რამე, თორემ ხელცარიელები დავრჩებით, როცა ღმერთი მოგვკითხავს. ამიტომაც არიან ეგრე გულმართალი ეს სიტყვები: „რასაცა გასცემ – შენია, რაც არა – დაკარგულია“. ის ღვთის მადლი, რომელიც ყოველ კაცს თავდაპირველვე ჩავგვსახებია, ჩვენთვის დაკარგულია, თუ სიკეთე არ მოვაგებინეთ.

იქნება გეგონოს, ვინც კაი საქმეს ჰშვება, სახელისათვის ჰშვება? არა, სახელი თავისთავად მოდის ხოლმე და კეთილ საქმეს ზედ გამოეხმება. მართალია, არიან იმისთანა კაცები, რომელნიც სიკეთეს იქმოდნენ მარტო იმისთვის, რომ სახელი დაგვრჩებაო. მაშინ ისინი იმ კაი საქმეს სახელზედ ჰყიდნიან. ეს ცუდია, მაგრამ მე და შენ რა დავა გვაქვს? დაე, თუნც გაჰყიდონ, ოღონდ ნივთი კარგი რამ იყოს, დაე, საქმე საქმე იყოს და გულის ნადილის გაჩხრეკა ღვთის ნებაზედ მივაგდოთ.

როცა... ადამიანს პირს არიდებ, მითამ ქრისტე-ღმერთისთვის მოგირიდებია პირი. იესომ ბრძანა: განკითხვის დღეს გეტყვითო მწყურვალნი ვიყავ და არ მასვითო; მშიერი ვიყავ, არ მაჭამეთო; შიშველი ვიყავ, არ ჩამაცვიეთო; სნეული ვიყავ, არ მომიარეთო. როცა მეტყვიანო უფალო! სადა გნახეთ, რომ არ გიშველეთო მე ვეტყვიო: ყოველი გაჭირვებული კაცი, თქვენგან არ გაკითხული, მე ვიყავიო... სხვა შენთვის და შენ სხვისთვის, აი გზა ცხოვრებისა, აი ხიდი ცხოვრებისა, აი გასაღები სამოთხისა!..

სადაც სურვილია დატკობისა, იქ სიყვარული არ არი; სიყვარული ტანჯვაა; „ტანჯვაა ვალი და სხვერპლი უზომო სიყვარულისა“ – ამბობს ერთი ჩვენი ქართველი პოეტი. მართალიც არი!.. სიყვარულში თვითონ სიყვარული უნდა ექებოს კაცმა, სიყვარულში თვით სიყვარული უნდა უყვარდეს სიყვარულისთვის კაცსა და არა რაიმე სურვილისთვის. სადაც გამოერევა ადამიანის „მე“, იქ უთუოდ უნებლიედ წარმოსდგება მონებაცა ერთისა მეორეზედ. უფრო უძლურმა უნდა დაუთმოს უფრო ძლიერს, იქ იქნება დესპოტობა, მონება და არა სრული ერთხმოვანი გარმონია ორთა თანასწორთა სულთა, რომელთა შეერთება შეიქმნა ხოლმე ერთ დაკარგულს ერთარსებასა; უნდა დაივიწყო შენი „მე“ და შეერთდე იმის „მესთან“; მაშინ აღსრულდება მნიშვნელობაც სიყვარულისა, მაშინ გადაიშლება მთელი ზღვა ტანჯვისა...

არაფერი ქვეყანაზე არც იმით დაიწუნება, რომ ძველია, არც იმით მოიწონება, რომ ახალია. ამ სადა ჭეშმარიტებას დიდი ღარი და ხაზი არ უნდა, არც მეტისმეტი გონების გახსნილობა, რომ კაცმა ახალი ტალახი ძველს ვარდს არ ამჯობინოს მარტო იმის გამო, რომ ტალახი ახალია და ვარდი კი ძველი.

საქმისა თუ აზრის ავკარგიანობის გარჩევა მარტო ძველახლობითა, ღირსების აწონ-დანონვა მარტო იმით, რომ ეს გუშინდელია და ეს დღევანდელი, ჭეშმარიტების უარყოფა მარტო იმით, რომ ძველია და ტყუილის ჭეშმარიტებად გადაყვანა მარტო იმით, რომ ახალია, რაც გნებავთ ბრძანეთ და, სასაცილოზედ მეტია. აგეთი სასწორი, აგეთი არჩევა კარგისა და ავისა, მართლისა და ტყუილისა მარტო იმის მომავლინებელია, რომ კაცს არც კარგი ესმის, არც ავი, არც მართალი უცნია, არც ტყუილი და ამოადა ჰფეკავს მინდმოკიდებულ ნისქვილსავით.

შენყნარება დაჯერებას არ ჰნიშნავს, გინდა თუ არა, არამედ პატივსა, რომლითაც უნდა მოექცეთ სხვის აზრს, თუნდაც თქვენს უსიამოვნოს, თქვენს წინააღმდეგს. პატივით მოქცევა კიდევ იმას ჰქვია, რომ მთქმელს, თუ გამკითხველს საბუთი გაუჩხრეკოთ, საბუთი აუნონოთ თქვენს საკუთარ სასწორზე, ასე თუ ისე საკუთარი ფასი დასდოთ და მისანყავი ისე მიუწყათ. ყოველად საკადრისი საქციელი გონებაგახსნილისა და მართლა განათლებულის კაცისა სწორედ ეს გზაა და სხვა არაა. ვისაც ეს არა სჭირს, ტყუილად თავსა სდებს განათლებაზე, ტყუილად აბრიყვებს თავისთავსაც და სხვა-



საც, განათლებული ვარო. იგი ყოველ გონებადახშულზედ უარესია.

ერთის ბრძენისა არ იყოს, ქვეყანაზე ზოგი იმისთანა საგანია, რომ თუ არ დაინახე, ვერ ირწმენ და ზოგიც იმისთანაა, რომ თუ არ ირწმუნე, ვერ დაინახავ. ცასა, თუ ცას იქით, სწორედ იმისთანა ადგილებია მაძებარ გონებისათვის, რომ თუ არ ირწმუნე, ვერას დაინახავ.

გამოსთქვას თვისის სულის მოძრაობა და თვისის გულის ძარღვის ცემა. ხმა და სიტყვა ცალ-ცალკე ბევრს შემთხვევაში უღონონი არიან ადამიანის გულის სიღრმიდამ ამოზიდონ იგი სხვილი და წვრილი მარგალიტები, რომლითაც საგნა ადამიანის გული და რომელნიც აიშლებიან ყოველთვის, როცა ან სევდა-მწუხარება, ან სიხარული შესძრავს ხოლმე ღვთაებურს სიმებს ადამიანის სულიერებისას. სიმღერა ამ მხრით იგივე ცრემლია, რომელიც მაშინაც მოდის, როცა გულს მწუხარება ჰკუმშავს, და მაშინაც, როცა დიდი სიხარული ეწვევა.

რადგანაც ქვეყანაზე გულსა ადამიანისას სძრავს ხოლმე არა მარტო სიხარული და მწუხარება, არამედ სხვა ათასგვარი მიზეზიცა, ამიტომაც სამწუხარო და სასიხარულო სიმღერას შუა კიდევ მრავალგვარი სიმღერა და გალობაა. ამ მხრით ადამიანის გული იგივე ზღვაა, რომელიც კოვზით არ დაიღვევა თავის დღეში. მინამ გული სძგერს, გულივე ათასნაირს სიმთაჟღერებს ხოლმე ათასნაირის მიზეზითა, და რადგანაც მიზეზი გულისთქმისა უღვეველი და დაუსრულებელია, თვით სიმღერას, რომელიც მარტო გულისთქმა და სხვა არაფერი, ბოლო და დასასრული არ ექნება თავის დღეში, ვიდრე ეს დედამიწის ზურგი ატარებს და იშვინებს ადამიანსა. კაცთ გარე, ქვეყნიერებაში სიმღერა არ არის. ეგ მხოლოდ კაცის კუთვნილებაა, ვითა ღვთის კერძისა. ეგ ღვთიური ნიჭი ბუნებამ მარტო ადამიანს მოჰმადლა და იგი ნიჭი იმოდენად ძვირფასად მიაჩნია კაცობრიობას, რომ არ არის ცისქვეშეთში იმისთანა კაცი, იმისთანა ერი, რომ ეგ ნიჭი არ ემოქმედებინოს და ეგ მშვენიერი ნერგი, ადამიანის სულში ბუნებისაგან ჩარგული, არ ეხერხებინოს და ცოტა თუ ბევრი ყვაილები არ გამოეხმევიანებინოს.

როგორც ცაკლე კაცის გული, ისე გული ერისა ბევრში სხვა ცალკე ერის გულს არა ჰგავს... ამის გამო გულისთქმაც, გულის გამომეტყველებაც სულ სხვა არის ხოლმე და ყოველს ერს თავისი კილო, თავისი ჰანგი აქვს ამ სხვადასხვაობისათვის. იგი უტყვი პოეზიაა... იგივე ენაა, მხოლოდ ხორცშეუსხმული, სიტყვით არგანსაზღვრული, სიტყვით არგამორკვეული – იგი მარტო ხმაა, კენესაა, ხარებაა, იგი ძახილია აღფრთოვანებულის სულისა. ეს კენესა, ეს ძახილი ქართველისა სულ სხვაა, სხვა ერისა – სულ სხვა, როგორც სხვადასხვა ენამეტყველობა.

მე არ ვიცი იმისთანა სხვა კაცი, – საერო, თუ სამღვდელო, – რომლის გულშიაც მომეტებულის მშვიდობის-ყოფით, მომეტებულის და-ძმობით ერთად დაბინავებულიყოს სამოქმედოდ მეცნიერება და სარწმუნოება. განსვენებული (წმიდა ეპისკოპოსი გაბრიელი (ქიქოძე)) ღრმად-მინეწილი მეცნიერი იყო

და ამოდენადვე ღრმად-მორწმუნეცა. აქ არის, ჩემის ფიქრით, მისი აღმატებულება, მისი მნიშვნელობა არამც თუ მარტო ჩვენთვის, სხვისთვისაც, რადგანაც ბევრსა ჰგონია, რომ მეცნიერება და სარწმუნოება ერთმანეთში მოურგებელნი და მოუთავსებელნი არიანო. იგია მაგალითი ამ მორიგებისა და მოთავსებისა.

ეხლაც ომია, ხოლო სისხლის ღვრისა კი არა, ოფლის ღვრისა, ომი უსისხლო, მშვიდობიანი, წყნარი. ამ ომმა არ ბუკი იცის, არც ნალარა. უბუკ-ნალაროდ სთესს, უბუკ-ნალაროდ მკის. კოკისებურ, შხაბუნა ნიაღვარს-კი არა ჰგავს, რომ მთა და ბარი თან წაიღოს, მოარღვიოს, მოღაროს და მოგრაგნოს, „მღუმარე წვიმისაებრ ნაყოფის გამოცემელა“. არც ბრევა იცის, არც ძარცვა. ეს მის ბუნებაში არა სწერია, თუ თითონ ადამიანმა გესლი უღმობელის სიხარბისა შიგ არ ჩაანვეთა, ბუნება არ მოუნამლა, არ მოუშხამა. ეს ომი შრომისაა, და ვითარცა შრომა – პატიოსანია, ნამუსიანია, და ისეთივე თავმო-საწონებელი, თავ-გამოსაჩენი, როგორც უწინ თოფისა და ხმლის ომი იყო. ვაჟკაცობა ამისთანა ომში ბევრით წინ არის სისხლის ომის ვაჟკაცობაზედ. ვაჟკაც გულადზე მშრომელი სამი გაფრენით მეტიაო, – იტყობა გლეხკაცი თავისებურად ზედგამოჭრით, თუ მართალს ათქმევენებთ. რა გლეხკაცი! თითონ დღევანდელი დღე ამას გვეუბნება, ამას ჰლაღადებს და ჩვენ გვესმის კი ეს ლაღადი?

ამოვიკითხავთ წიგნებიდამ რაღაცას და გვეგონია, ეს-ეს არის ქვეყნის ღერძს ხელი ჩავკიდეთო. ქვეყანაზე ბევრი რამ არის უწინგოდაც ნასწავლი, ამებესაც ცოდნა უნდა. ჩვენ კი აღარც იქით ვიხედებით, აღარც აქეთ. რაკი წიგნი ხელთ გვიპყრია, თითქო ჭკუა, თუ არ წიგნში, სხვაგან აღარსად იყოს.

არც უწინგობა ვარგა და არც მარტო წიგნებიდამ გამოხედვა. უწინგოდ თვალთახედვის ისარი მოკლეა და მარტო წიგნითაც საკმაოდ გრძელი არ არის. უკადრისობად მიგვაჩნია ჭკუა უწინგო ტყაპუჭქვეშაც ვიგულვოთ. ჩვენ ვთაკილობთ და არა გვეჯერა, რომ ყველა გონიერი კაცი, თუნდ უწინგოც, ზოგჯერ მნიშვნელობისათვისაც კი ოსტატია.

ბავშვის ბუნება საიდუმლოთა საიდუმლოა. ბავშვი იგივე ადამიანია და მით უფრო ძნელი საცნობელია, რომ ძნელ წასაკითხ ქარაგმით დაწერილია, თუ ესე ითქმის, და არა სხვილ და სრულ ასოებით, როგორც დამთავრებული კაცი. არ უნდა გვიკვირდეს, რომ რასაც დიდ მდინარეში ვპოულობთ, იმას მის სათავეშიაც ვხედავთ. ბავშვი სათავეა, დასაწყისია დიდი ადამიანისა.

აღზარდე შვილი, მიეც ძალა სულს, საზრდოდ ხმარობდე ქრისტესა მცნებას“

განა ყოველი საგანი თვის კვალობაზედ არ არის მაღალი, მაღალ ღვთაებრიობის სიბრძნის გამომთქმელი? პოლიპი, რომელიც ძლივს აჩენს თავის სულიერობას, ისე ცხადად მოგვითხრობს ღვთის ძლიერებასა, როგორც მზე, ეს ქვეყნის მაცხოვრებელი მნათობი. ინფუზორია, რომელნიც მილიონობით არიან ერთ მუჭა წყალში, ისევე საკვირველნი არიან, როგორც მოძრაობა მედიდურ ცაში მილიონთა პლანეტთა, ერთი მუჭა ლაფის ნაწილთა დაკავშირება ისეთი საკვირველია, როგორც ვარდის მშვენიერების გამოცხადება. არა, ბუნებაში ღმერთს არ შეუქმნია მაღალი და მდაბალი საგანი, ყოველი საგანი მაღალია თვის კვალობაზედ და ერთნაირად მოგვითხრობს იმ დიდ სულზედ, რომელიც აცხოვრებს მთელს ქვეყანასა.

ხშირია ხოლმე, რომ როცა სული ქლექდება, ხორცის დღეობა მაშინ არის; როცა სული ჰყვავის, ხორცი დნება.

იმისთანა ხალხი, რომლის გამოხატულობაც უამთა ვითარებით უმაღლესს საგნებიდან მარტო ჭამა-სმაზედ დამდგარა, ანუ რომელსაც მცირე საგნებიდამ გონება მაღლა ვერ აუცილებია, ის ხალხი უფრო შებრალების ღირსია, ვიდრე გაკიცხვისა.

დამუნათებელი, ნაყვედრებული კეთილი, ... ბოროტზე უარესია და უმძიმესი ასატანად.

იგი გრძობაა მართალი, რომელიც კატასავით დღე მუდამ არა ჩხავის და მზეთუნახავად დაბინავებულა გულში.

ცხვრების დასამშვიდებლად Axe-ს იყენებს




ბრიტანელი მეცხვარე აცხადებს, რომ საოცარი გამოსავალი იპოვა ცხვრების აგრესიის შესაკავებლად – ეს არის ტანის სპრეი Axe. სემ ბრაისის თქმით, რომელიც ინგლისში ცხვრების მოშენებით არის დაკავებული, სოციალური ქსელიდან სხვა ფერმერებისგან შეიტყო, რომ არსებობს ტანის სხვადასხვაგვარი სპრეი, Axe-ის მარკით, რომელიც სწორედ იმ ჰორმონებს ახშობს, რაც ცხოველებს ერთმანეთის მიმართ აგრესიულს ხდის. ბრაისეს თქმით, რაც ცხვრებზე ამ მეტად არომატიზებული სპრეის გამოყენება დაიწყო, მათ შორის არავითარი „ჩხუბი“ აღარ შეუნიშნავს. „ვფიქრობ, ამ საშუალებას მარტო ჩვენთან კი არა, მთელ მსოფლიოში იყენებენ“, – ამბობს ინგლისელი მეცხვარე.

ტურიზმის ევროპული დედაქალაქი დაასახელეს



პორტუგალიის დედაქალაქი ლისაბონი 2024 წლის ევროპის საუკეთესო ტურისტულ ქალაქად დაასახელეს. ასეთი დასკვნა VisaGuide.World-ის კვლევების შედეგად დაიდო. ეს კვლევები ნათელს ჰფენს ყველაფერს, რასაც მოგზაურები ყველაზე მეტად აფასებენ ევროპაში სტუმრობისას. როგორც სპეციალისტები აღნიშნავენ, ლისაბონს დიდი ხანია, უმაღლესი შეფასება აქვს მოგზაურობის მოყვარულთაგან და არც თუ უსაფუძვლოდ. ქალაქი ფართოდ არის ცნობილი თავისი ლამაზი შენობებით, შესანიშნავი პეიზაჟებით და თბილი კლიმატით, თუმცა მას მხოლოდ ამის გამო არ აფასებენ. VisaGuide.World-ის რეიტინგის მიხედვით, ლისაბონი ცნობილია, თავისი სიააფით. კვლევის ავტორთა შეფასებით, პორტუგალიის დედაქალაქში ერთი კვირის გატარება, საშუალოდ, 385 ევრო ჯდება. აქაურებიც ერთ-ერთ ყველაზე მეგობრულ, კეთილგანწყობილ ადამიანებად ითვლებიან, ესპანელებისა და იტალიელების შემდეგ. ინგლისურის მცოდნეთა შორის კი მეორე ადგილზე არიან და მხოლოდ პოლანდიელებს ჩამორჩებიან. 2024 წლის ევროპის საუკეთესო ტურისტული ქალაქების ტოპ-ათეულში შევიდნენ, ასევე, ამსტერდამი (465 ევრო – ერთკვირიანი ბიუჯეტი), პრაღა (365 ევრო), ვარშავა (395 ევრო), მადრიდი (440 ევრო), ზაგრები (425 ევრო), ლონდონი (575 ევრო), რომი (505 ევრო), ბერნი (725 ევრო) და პარიზი (640 ევრო).

ბრილიანტი პიონისგან დაამზადეს



ჩინელმა სწავლულებმა, Luoyang Time Promise Co-ის კომპანიიდან, მსოფლიოს სამკარატიანი, პირველი ბრილიანტები წარუდგინეს, რომელიც მხოლოდ და მხოლოდ, წითელი პიონისგან მიღებული ნახშირბადის ელემენტებისგან არის შექმნილი. ეს უნიკალური ქვა ქალაქ ლოიანში იყო გამოფენილი. ბრილიანტი საჩუქრად გადასცეს ქალაქის პიონის ეროვნულ პარკს, საიდანაც სპეციალისტებს ძვირფასი ქვის მისაღებად ყვავილები მიაწოდეს. სწავლულებმა ხელოვნური ბრილიანტი ბიოგენური ნახშირბადის ტექნოლოგიის წყალობით დაამზადეს. შემდეგ ძვირფასი ქვა მაღალ ტემპერატურასა და წნევაზე გამოანართეს. პიონისგან მიღებული ბრილიანტის ღირებულება, დაახლოებით, 300 ათასი იუანია (39 ათასი ევრო).

ბრიტანელები უფასო ტრანსპორტზე გადადიან




უფასო საზოგადოებრივი ტრანსპორტის ნოვატორული გეგმა, რომლის ღირებულებაც 95 მილიონი გირვანქა სტერლინგია, ქალაქ გლაზგოში ამოქმედდება. ბრიტანეთის ამ მსხვილ ქალაქში სრულიად უფასოდ გადაადგილება მალე რეალობად იქცევა და მას „მწვანე ამბიციების“ რეალიზებაში უნდა დაეხმაროს. თავდაპირველად, საპილოტე სქემის ფარგლებში, შოტლანდიის დედაქალაქში, 1 000-მა ადამიანმა, ცხრა კვირით, საზოგადოებრივი ტრანსპორტით უფასოდ მგზავრობის უფლება მიიღო. ქალაქის საბჭომ მხარი დაუჭირა პროექტს და მისი შედეგების მიხედვით გადაწყდება, განაგრძონ თუ არა ის ქალაქის ყველა მცხოვრებზე. საპილოტე პროექტის ყველა მონაწილე, რომელთა ასაკი 22-დან 59 წლამდეა, წინასწარ მიიღებენ ამ ცხრა კვირის თანხას სამგზავრო ბარათებზე. შედეგებით გაირკვევა ამ პროექტის ყველა მინუსი და პლუსი, მისი გავრცელების არეალი კი დაფინანსებაზე იქნება დამოკიდებული. შეგახსენებთ, პირველი, ვინც ქვეყანაში საზოგადოებრივი ტრანსპორტი უფასო გახდა, ლუქსემბურგი იყო – შესაბამისი კანონი იქ 2020 წელს ამოქმედდა. 2022 წელს, მალტის მცხოვრებლებმაც მიიღეს შესაზღებლობა, უფასოდ ისარგებლონ ავტობუსებით მარშრუტების უმრავლესობაზე.

სანოლში წოლისთვის დიდ ფულს იხდიან



ექსპერიმენტის ფარგლებში, რომელსაც კიოლნში, ავაციისა და კოსმონავტიკის გერმანული ცენტრი ატარებს, 18 ათასი ევროს გამოიყენებოდა შესაძლებელი. სანაცვლოდ გასაკეთებელი არაფერია – ორი თვის განმავლობაში, მხოლოდ სანოლში წოლაა საჭირო. კვლევის პერიოდში, სპეციალისტები აპირებენ, შეისწავლონ ასტრონავტების კოსმოსში ყოფნის პირობები. საამისოდ, ექსპერიმენტში მონაწილეები სანოლიდან არ უნდა ადგნენ. ამასთან, სანოლის ბოლო 6 გრადუსით აწეული იქნება. ასეთი მდებარეობა ხელს უწყობს სხეულის ზედა ნაწილში სითხის დაგროვებას და ფეხებში მის შემცირებას, რაც ქალისშიდა წნევის ზრდას, კუნთებისა და ძვლის მასის შემცირებას იწვევს. შედეგად, ექსპერიმენტის მონაწილეებს გაუჭირდებათ წონასწორობის დაცვა, იმის მსგავსად, რაც კოსმოსური სივრცის პირობებში ხდება. კვლევისთვის შერჩეული მოხალისეები ცენტრში 88 დღეს გაატარებენ, აქედან 60 დღე სანოლს იქნებიან „მიჯაჭვულნი“. დანარჩენი დღეები კი მომზადებასა და აღდგენას დაეთმობა. ექსპერიმენტი შემოდგომისთვის არის დაგეგმილი, განაცხადები მონაწილეობაზე კი უკვე მიიღება. ვაკანსიის მიღების მსურველი 24-დან 55 წლამდე ასაკის და 153-დან 190 სმ-მდე სიმაღლის უნდა იყოს. ასევე, ჯანმრთელი, არამწვეველი და გერმანული ენის მცოდნე.

დელონს ქონების განკარგვის უფლება ჩამოართვეს



წლის დასაწყისში, კინოს ფრანგი ვარსკვლავი, ალენ დელონი ქმედითუუნაროდ გამოცხადდა. ამჟამად სასამართლომ მას სოციალური კურატორი დაუნიშნა, რომელიც დელონის საქმეებს ხუთი წლის განმავლობაში მართავს. ასე რომ, ამ ხუთი წლის განმავლობაში, 88 წლის მსახიობს არ აქვს უფლება, განკარგოს საკუთარი ქონება. სასამართლოს ამგვარ ვერდიქტს მისი ქალიშვილი ანუშკა აპროტესტებს. ხანდაზმული მსახიობი ხშირად ავადობს და პრაქტიკულად არ ჩნდება საჯაროდ. 2022 წელს, მან ევთანაზიის სურვილიც კი გამოთქვა. დროის დიდ ნაწილს ალენი საკუთარ მამულში ატარებს.

ბრიტანელები მელანომის ვაქცინას ცდიან



როგორც ბრიტანული BBC იუწყება, მსოფლიოში პირველი, პერსონალიზებული mRNA-ვაქცინის მნიშვნელოვანი ტესტირება კანის კიბოს საშიში ფორმის – მელანომის წინააღმდეგ, ამჟამად ნისლიან ალბიონზე მიმდინარეობს. 52 წლის სტივ იანგი ჰერსტიდან, რომელსაც გასულ წელს, სკალპიდან მელანომა გამოწვრიდა ამოაჭრეს, ერთ-ერთ პირველი პაციენტია, ვინც აცრა ჩაიტარა. ვაქცინა შექმნილია იმისთვის, რომ იმუნურ სისტემას დარჩენილი კიბოს უჯრედების ამოცნობასა და განადგურებაში დაეხმაროს. სწავლულები იმედვნებენ, რომ აცრის შემდეგ, პაციენტს დაავადება აღარ დაუბრუნდება. მელანომას სანააღმდეგო ვაქცინა იმავე ტექნოლოგიით არის შექმნილი, რითიც ამჟამინდელი Covid-ვაქცინები. ტესტირების III ფაზა უკვე დასასრულისკენ მიდის.

ფულს თაგვების „ნახატებით“ შოულობს



დიდი ბრიტანეთის მცხოვრებმა, 21 წლის სტივ ტუგუდმა შემოსავლის მიღების უჩვეულო მეთოდი მოიფიქრა. გოგონამ შინაურ ცხოველებს – თაგვებს ფურცელზე ხატვა ასწავლა. მღრღნელების თათებს ის საღებავში ჰყოფს და ცხოველებს ფურცელზე გასასეირნებლად უშვებს. მიღებული შედეგები საკმაოდ პოპულარული გახდა სოციალურ ქსელში და უამრავმა ადამიანმა, არა მარტო ბრიტანელებმა, გამოთქვა ამ უჩვეულო ნახატების შექმნის სურვილი. ამჟამად, სტივსა და მის საყვარელ ცხოველებს საკუთარი მალაზიაც აქვთ, სადაც არა მარტო ნახატების, არამედ სუვენირების შექმნაც შეიძლება.

წნევის სამკურნალო პომიდორს ყიდიან



ამომავალი მზის ქვეყანაში, გაყიდვაში გამოვიდა პომიდორი შესწორებული გენომით – მათში ხუთჯერ მეტი გამა-ამინომჟავებია. ის არტერიულ წნევას აქვეითებს და გულის რიტმს ანელებს. ამგვარად, ახალი პომიდორი ადამიანებს წნევის დარეგულირებაში უნდა დაეხმაროს. ახალ ჯიშს Sicilian Rouge High GABA უწოდეს. ის კუმამოტოს პრეფექტურაში მოჰყავთ. აღსანიშნავია, რომ პომიდორი შესწორებული გენომით – ეს პირველი პროდუქტია იაპონიის ბაზარზე. გენმოდირებული ბოსტნეულისგან ის იმით განსხვავდება, რომ მათ დნმ-ში არ არის ხელოვნური გენი. პომიდორი CRISPR/Cas-ის ტექნოლოგიის დახმარებით გამოიყვანეს.

ნარჩენებისგან კვერცხის შემცვლელს ამზადებენ



სწავლულთა ჯგუფმა სინგაპურის ტექნოლოგიური უნივერსიტეტიდან უჩვეულო გამოყენება მოუძებნა ლუდის წარმოების ნარჩენებს. მკვლევარებმა მის საფუძველზე მცენარეული ემულგატორი შექმნეს, რომელიც მაიონებსა და ნაყინში კვერცხის გულს ჩაანაცვლებს. ემულგატორები პროდუქტს ერთგვაროვანი მასის შენარჩუნებაში ეხმარებიან და არ აძლევენ მას საშუალებას, რამდენიმე სითხედ გაიშალოს. მაგალითად, ზეთი და წყალი გამოიყოს მაიონეზში, ან სხვა სოუსებში. ჩვეულებისამებრ, სტაბილიზატორად კვერცხის გულს იყენებენ, თუმცა სწავლულებმა მას უსაფრთხო, მცენარეული შემცვლელი მოუძებნეს. ამისთვის მათ ლუდის ხარშვისთვის გამოყენებული მარცვლეული აიღეს – ყოველწლიურად, მსოფლიოში 39 მილიონი ტონა ასეთი ნარჩენი იყრება ნაგავში და ატმოსფეროს აბინძურებს. სპეციალისტებმა კი მისგან, ახალი ტექნოლოგიის წყალობით, მცენარეული ემულგატორი მიიღეს, რომელიც გემობრივი თვისებებით არ ჩამოუვარდება ჩვეულებრივს. მის გამოყენებას ნაღების ნაყინისა და სოიოს რძის წარმოებაში აპირებენ.

მუსოლინის ბუნკერი მნახველებისთვის გახსნეს



ცოცხალი წინ, რომში, დიდხინანი შესვენების შემდეგ, კვლავ გაიხსნა მეორე მსოფლიო ომისდროინდელი მიწისქვეშა ბუნკერი. 1940 წელს, როცა იტალია ომში ჩაება, ბენიტო მუსოლინიმ სასწრაფოდ დაიწყო თავისთვის ბუნკერის მშენებლობა. ამისთვის შეირჩა ვილა ტორლონია რომში, სადაც მუსოლინი 1929 წლამდე ცხოვრობდა. დურესა და მისი ოჯახის დასაცავად სამი მიწისქვეშა ნაგებობა აშენდა. ისინი 120-სანტიმერიანი რკინა-ბეტონით დაიფარა, შენობას ჰერმეტიკული კარი და ჰაერის გამწმენდი სისტემაც ჰქონდა. მნახველებისთვის ბუნკერი, პირველად, 2006 წელს გაიხსნა. ამჟამად, კომპლექსი მოიცავს მულტიმედიურ ექსპოზიციას, რომელიც მეორე მსოფლიო ომის დროს, რომის ცხოვერებას ეძღვნება.



ნაბახუსევისთვის მუზეუმი გაიხსნა



ხორვატიის დედაქალაქ ზაგრებში, მსოფლიოში პირველი მუზეუმი გაიხსნა, თანაც არც მეტი, არც ნაკლები – მხოლოდ ნაბახუსევზე მყოფთათვის. ამ უჩვეულო ადგილის სტუმრებს შეუძლიათ, შეიტყონ რეალური ისტორიები, რაც ალკოჰოლის მიღების შემდგომ მდგომარეობას უკავშირდება. დამთვალიერებელს შეუძლია ნაბახუსევთან დაკავშირებული საკუთარი ამბებიც მოყვეს, ნახოს უჩვეულო ექსპონატები, ასევე შეამომოს რეფლექსები, თუკი სიმთვრალის ეფექტის მქონე სათვალეს გაიკეთებს. როგორც ამ დაწესებულების ორგანიზატორები ამბობენ, ნაბახუსევის მუზეუმის ძირითადი მიზანია, მეტი ინფორმაცია მისცენ ადამიანებს ალკოჰოლის სასმელების მოხმარების ნეგატიური შედეგების შესახებ. მუზეუმში შესვლა უფასოა, თუკი „სიმთვრალის სათვალეს“ გაიკეთებთ და სამიზნეს ისარს „ცხრიანში“ გაარტყამთ. დანარჩენებისთვის შესვლა 4 ევრო ღირს.

ნახშირწყლები უძილობას იწვევენ



ძილის სურვილი შეიძლება გააჩქარეთ, თუკი თქვენს რაციონში ბევრი ისეთი პროდუქტია, რომლებიც რაფინირებულ ნახშირწყლებს შეიცავენ, – განაცხადეს სწავლულებმა კოლუმბიის უნივერსიტეტიდან. სპეციალისტები აღნიშნავენ, რომ ასეთი ნახშირწყლების რეგულარული მოხმარება, მაგალითად, ნაცხვრების, თეთრი პურის, კარტოფილისა და ბრინჯის, სისხლში შაქრის დონის მომატებას იწვევს. როცა შაქრის დონე სწრაფად იზრდება, ამაზე ორგანიზმი რეაგირებს და ინსულინს გამოჰყოფს. შედეგად, შაქრის დონის დაქვეითებამ ჰორმონების გამოტყორცნა შეიძლება გამოიწვიოს, როგორც არის კორტიზოლი და ადრენალინი. ეს ჰორმონები ძილის დარღვევას იწვევენ. ამ დასკვნების გასაკეთებლად, მკვლევარებმა 50-ათასზე მეტი მანდილოსნის მონაცემები გააანალიზეს. სწავლულები იმედოვნებენ, რომ კვლევების შედეგები მედიკოსებს დაეხმარება, ხელმისაწვდომი და ეფექტური მეთოდები მოძებნონ პაციენტების უძილობისგან განსაკურნავად.

მოწევა დნმ-ს ცვლის



ჰარვარდის სამედიცინო სკოლის მკვლევარებმა გაარკვიეს, რომ მოწევა ადამიანის დნმ-ის სტრუქტურას ცვლის და დარღვევების ნაწილი მას შემდეგაც არ აღდგება, რაც ადამიანი ნიკოტინზე უარს ამბობს. სწავლულების განცხადებით, მოწევა გავლენას ახდენს მეთილირების – დნმ-ის მოლეკულის ცვლილების პროცესზე, რასაც შეუძლია ჩაახშოს გენების აქტიურობა, ან გავლენა მოახდინოს მათ ფუნქციაზე. ხშირად, ასეთი შეფერხება იწვევს კიბოს, გულის დაავადებებსა და ჯანმრთელობის სხვა სერიოზულ პრობლემებს. მოწევის შედეგები, შესაძლოა, აისახოს მოლეკულურ მექანიზმებზე, 30 წელზე მეტი ხნის განმავლობაში. მკვლევარებმა 16 ათასი ადამიანის სისხლის ნიმუშები შეისწავლეს, რომლებიც ადრე მონაწილეობდნენ სხვადასხვა კვლევებში. აღმოჩნდა, რომ მწვევლებში შეიცვალა მეთილირების პროცესი და ამან გავლენა მოახდინა 7 ათას გენზე ანუ მეცნიერებისთვის ცნობილი ადამიანის გენების მესამედზე. თუ ადამიანი ნიკოტინს თავს ანებებდა, გენების უმრავლესობა ნორმაში მოდიოდა, დაახლოებით, ხუთი წლის შემდეგ, მაგრამ 19 გენში მომხდარი ცვლილება, მათ შორის, ლიმფომას წარმოქმნასთან დაკავშირებულის, არ შეიცვალა 30 წლის შემდეგაც კი. სტატისტიკური მონაცემებით, ყოველწლიურად, მოწევით პროვოცირებული დაავადებებით, მსოფლიოში 6 მილიონზე მეტი ადამიანი იღუპება.

მასაჟისტებს კაბებზე ბოქლომი დაადეს



კუნძულ იავაზე მდებარე ერთ-ერთი მასაჟის ცენტრის თანამშრომლები იძულებულნი არიან, კორექტივა შეიტანონ ყოველდღიურ სამუშაო ფორმაში. მასაჟისტები რომ სექსუალური მოძალადებისგან დაიცვან და თან დაწესებულების იმიჯიც აამაღლონ, სალონის მფლობელებმა თანამშრომლებს მოსთხოვეს, კაბებსა და შარვლებს ბოქლომები დაკიდონ. ეს „ერთგულების კლიტე“ ქალაქ ბატუში მდებარე კოსმეტიკური ცენტრის მასაჟისტებს „ამშვენებთ“. ინდონეზიის ქალაქებში პროსტიტუცია საკმაოდ გავრცელებულია. აქ, მსგავსი სალონების სახელით, უამრავი ბორდელი მუშაობს. „ერთგულების ბოქლომების“ იდეა ადგილობრივმა ხელისუფლებამაც მოიწონა და გადაწყვიტეს, ახალი წესები მასაჟის სხვა სალონებშიც შემოიღონ.

ელექტრომონოპოლიების ჭამას მიეჩვია



დიდ ბრიტანეთში, ქალაქ პრესტონში მცხოვრებ ხუთი წლის ბიჭუნას იშვიათი დაავადება აღმოაჩნდა, რომლის გამოც პატარას უცნაური, გადაულახავი ლტოლვა გაუჩნდა არაორგანული საგნების მიმართ. კერძოდ, ბავშვს ყველაზე მეტად ელექტროსადენები, მიკროსკოპები და ელექტრომონოპოლიების სხვა ნაწილები იზიდავს. იზიდავს არა გასართობად, არამედ, საჭმელად. ეს ფაქტი ბიჭის მშობლებმა სამი წლის წინ აღმოაჩინეს, როცა მათი პატარა მობილური ტელეფონის დამტენის ჭამისას „გამოიჭირეს“. ექიმებმა მას Pica-ს სინდრომის მიმღე ფორმა დაუდგინეს. ამ იშვიათი დაავადების დროს, ადამიანს სხვადასხვა არაორგანული ნარმოშობის საგნების მოხმარების სურვილი უჩნდება. აღსანიშნავია, რომ ეს დაავადება იკურნება აბების დახმარებით, თუმცა მისი მიღება მოზრდილი ასაკიდან არის შესაძლებელი. ასე რომ, ბავშვის მშობლებს მიუწევთ, კიდევ რამდენიმე წელი მკაცრ კონტროლზე ჰყავდეთ საკუთარი პირმო.

სიგარეტის ნამწვისგან სათამაშოებს აკეთებენ



ინდოელმა ჰამან გუპტამ, ნიუ-დელის გარეუბანში, სიგარეტის ნამწვის გადასამუშავებელი ფაბრიკა გახსნა, სადაც მისგან რბილ სათამაშოებს კერავენ. სიგარეტის ფილტრებისგან პროდუქციის შიგთავსს ამზადებენ. ერთი წლის განმავლობაში, იქ მომუშავეები მილიონობით ნამწვს ამუშავებენ და მისგან ტონობით ბოჭკოს იღებენ. თავიდან ფილტრს ქალაღდის გარსისგან და თამბაქოს ნარჩენებისგან ასუფთავებენ – მათგან გადამამუშავებული ქალაღდი და კომპოსტი კეთდება. ფილტრისგან ბოჭკოს იღებენ, რეცხავენ და მიღებული მასალისგან სათამაშოებსა და ბალიშებს ავსებენ. ჯანდაცვის მსოფლიო ორგანიზაციის მონაცემებით, ზრდასრული ინდოელების თითქმის 30% – დაახლოებით, 267 მილიონი ადამიანი – მწველია.

ღამე ჭამა ფსიქიკას აზიანებს



ამერიკელმა სწავლულებმა ბოსტონის უნივერსიტეტიდან გარკვეეს, რომ ღამით ჭამა მავნეა ფსიქიკური ჯანმრთელობისთვის, ზრდის შფოთვისა და დეპრესიის დონეს. მკვლევარების ექსპერიმენტში 12 მამაკაცი და სუსტი სქესის 7 წარმომადგენელი მონაწილეობდა. ისინი ორ ჯგუფად დაყვეს: საკონტროლო, რომელიც საკვებს 28-საათიანი ციკლით იღებდა (რის გამოც ჭამდა, როგორც დღისით, ასევე ღამეც) და ჯგუფი, რომელიც საკვებს 24-საათიანი ციკლით იღებდა (ჭამდა მხოლოდ დღის განმავლობაში). სპეციალისტებმა აღმოაჩინეს, რომ საკონტროლო ჯგუფის წარმომადგენლებში დეპრესიის მსგავსი განწყობის დონე 26%-ით გაიზარდა, შფოთვის კი – 16%-ით.

ახალი ამბების ყურება საზიანოა



ამერიკელმა სწავლულებმა ტეხასის უნივერსიტეტიდან დაადგინეს, რომ ახალ ამბებზე დამოკიდებულება ფსიქიკური და ფიზიკური ჯანმრთელობის პრობლემებს იწვევს. ადამიანები, რომლებიც ახალ ამბებს ხშირად უყურებენ, დიდი ალბათობით, აღენიშნებათ სტრესი, შფოთვა და ფიზიკური დაავადებები. მკვლევარებმა 1 100 ზრდასრული ამერიკელი გამოკითხეს და მიღებული შედეგები გააანალიზეს. აღმოჩნდა, რომ რესპონდენტთა 16.5%-ს ახალ ამბებზე ძლიერი დამოკიდებულების ნიშნები ჰქონდა – ისინი იმდენად იყვნენ ამ ამბავში ჩართულნი, რომ აღარ შეეძლოთ, ამ თემაზე არ ეფიქრათ. ეს კი იწვევდა ძილის დარღვევას, ოჯახში ურთიერთობების გაუარესებას, ხელს უშლიდათ სწავლასა და მუსაობაში და იწვევდა შფოთვას. გამოკითხულთა უმრავლესობას (73%) ფსიქიკის მოშლილობა ჰქონდა, 61%-ს – ფიზიკური დაავადებები. მკვლევარების განცხადებით, საჭიროა საზოგადოებაში ახალ ამბებზე დამოკიდებულების საწინააღმდეგო პროპაგანდა დაიწყო. სწავლულებს ასევე მიაჩნიათ, რომ სიტუაციას აღრმავებს მასობრივი ინფორმაციის ის საშუალებები, რომლებიც უპირატესობას ნეგატიურ ახალ ამბებს ანიჭებენ.

ვერსია
მისამართი: ქ.თბილისი, სანკტ-პეტერბურგის ქ. 7.
UDC(უაკ)070.48:32(479.22)3-387

დაფუძნებულია და მთავარი რედაქტორი
მაია ფურცელაძე (599) 62-88-77
დიზაინერი – გიორგი ლომსაძე
e-mail: versiaprinti@yahoo.com www.versia.ge
ტელ: +995 32 294 23 99

ISSN 1987-8699
9 771987 1869003

დაცულია საავტორო უფლებები.
რედაქციაში შემოსული
მასალები უკან არ ბრუნდება.
სტატიაში მოყვანილ ფაქტებსა
და ინფორმაციის სიზუსტეზე
პასუხს აგებს ავტორი. პრეტენზიის
შემთხვევაში დაგვიკავშირდით
14 დღის განმავლობაში.